

ALBERICI
GENTILIS

I. C. professoris regij
DE IVRE BELLI

Commentatio
tertia.

LONDINI
apud Iohannem Wolsium.
1589.

ROB. DEVORAXIO
ILL^m COMITI ESSEXIO.

Albericus Gentilis S. P.



Resolui tandem, quod constitui, &
quasi pacto tibi spondendi, tractationē
de iure belli: nam hac tertia & po-
strema est scilicet commentatio. Er-
go, quod restat unum, id mihi rogan-
dus es, mobilissime ESSEXII, ut quando censuf-
penso voto, qua in te erat summa voluntatis mea
propensio, ipsam tibi que sum hoc munere contestatus,
tu eandem boni consulas, & me in tuis unum esse
non patiaris modo, sed etiam libentissime velis. Nā
& quod viros litteratos ames, foveasque, & literarū
quoque amatores, in quibus ego, complectaris benevolē-
tia tua, id lux, & vita una fortissimorum, crede
mihi, gestorum tuorum est, qua aliās aut obscura de-
gerent, aut cum opere ipso protinus expirarent.
Maeste utraque virtute, Comes: & quando arden-
tem tuum istum animum nihil ab egregiē factorum
amore retardat, age nec velis insignia iacere facino-
ra tua, mortēque quasi parricida afferre his omni-
bus qua edideris excellentissima, dum litteris te nō
præbeas, unde ea & alantur, & immortalitati con-
sacrentur

21 *sacrentur. Nominò autem bas præcipue litteras tibi,
quæ te decent præcipue, vera studia publicarum re-
rum: de quibus loquendum tibi, tibi tractandum est:
& de quibus apparatus a me hic cûsmèdi factus est,
ut si illam in speciem, illo te instruxeris tu, non du-
bitem fore, quin partem iuris gentium nobilissimã
nec in his modo cognoscas, quæ leges litteris scripta,
& expressa verbis, sed in reliquis omnibus, quæ
sunt plurima, & sententijs, tanquam germina stir-
pibus, clauduntur. Vale. Oxon, Kal. Sept. 1689.*

ALBERICI GENTILIS

I.C. professoris regij

De iure belli cōmentatio

TERTIA.



Actenus de iure cum sus-
cipiendi, tum agendi bel-
lum exposuimus : vt vna
restet commentatio, quæ
ius doceat finiendi. Et Pax belli finis.
quidem belli finis pax dictus omnibus:
adeoque contendere ad illam bellando
omnes debere, exploratissimum esse o-
portet. Pacem, ait Augustinus, habere
debet voluntas, bellum necessitas : non
enim pax quaritur, vt bellum excitetur,
sed bellū geritur, vt pax adquiratur. c. III.
XXIII. q. I. et maxime bellaces hoc quo-
que appetūt, aut feri, infociabiles, mon-
stra meritō censentur : quandoquidē
nec vllumq; vitium ita contra naturam
sit, vt naturæ etiā debeat extrema vesti-
gia, quæ idē habet lib. XIX. de Ciu. c. XII.

Hinc

Pacis defini-
tio.

Hinc verò inductus trophæorum mos
materiæ non duraturæ: vt qui quidem
bello vicissent, statueret illud victoriæ in
presentia declarandæ causæ, ceterum via
non præcluderetur redeundi in gratiam,
dum alterius partis laus, alterius infamia
consecrata longæuo aliquo monu-
mento foret. & qui primi lapideum, et
æneum statuerunt, hi vituperati, & accu-
sati sunt. et laudati Macedones, laudati
Romani, quibus mos nec vllum consti-
tuendi: laudatus Alexander, qui nec de
Persis, aut Indis constituit vt hæc leges
apud Cic. lib. II. de Inuent. Plut. in
probl. Paus. lib. IX. Flor. lib. III. Atque
certa hæc prima definitio est. Pax autem
à conditionum pactione appellatur, si
Festo credimus, et Vlpiano in l. I. Dig.
de pact. nam Isidorus contra pactum à
pæce deduxit, & quasi ex pace factum
interpretatur, atq; inter partes esse ex pa-
ce conuenientem scripturam legibus, ac
moribus comprobata, c. XI. de ver. si.
Et itaque de omni conuentione dicitur
pax

pax : sed de bellica tamen præcipuè, eaq;
quæ bello finem imponit, & de qua no-
bis hæc commentatio erit. at ea quoq;
pax appellatur, quâ duces belli paciscun-
tur. l. V. Dig. de pact. et vel maxime in-
ducia, vt significat papa nescio quis, qui
scribit, Pax illa, quam treguam dicimus,
&c. c. XXV. XXVI. q. III. & retuli-
mus nos commentatione superiore. Pax
item generaliter concordia ordinata de-
finitur ab eodem Augustino: & ordo re-
cta rerû distributio. quæ iustitiæ natura
est: vt Simonides explicauit, de quo A-
ristotélisque lib. V. Eth. & Vlpianus c. X
D. de iur. & iur. Nos verò in specie argu-
mentinostri pacem definiemus compo-
sitionem belli ordinatam. Et de hoc or-
dine, siue recta distributione dicemus,
quod tam aut vnus facit victor, aut pars
vtraque simul init. Et quod vtroque
cum præterita, tum etiam considerari fu-
tura consueuerit. id, quod totius ille pa-
ter sapientiæ Homerus docuit, & Plu-
tarchus in problematis obseruauit. Præ-

Pax dupli-
citer con-
stituitur.

Vltio iustè
fumi.

terita vltionem respiciunt, futura pacis
constitutæ firmitatem. Et verò quem-
admodum traditum à nostris est, non
decere iudicem paci componendæ in-
cumbere priùs, quàm punita delicta
sint: vt apud Baldum leges c.I. D. de
no. op. nun. ita de vltione iusta prospi-
ciendum fuerit ante: vt succis belli
omnis quasi radicibus pax certior ha-
beri possit. Iniustum enim nec est, præ-
teritorum iustam expetere, & exercere
vindictam. & exercent eam personæ
publicæ iustè, quæ bonoque animo
omnia vindictæ officia implere pos-
sunt. id, quod iniustorum iustitia cre-
ditum in priuatis personis est, si hæ
malum pro malo reddant: quæ scripta
sunt c. I. XXIII. q. III. & c. XVI. XXIII. q.
V. et docuit antea Plato lib. I. de rep.
dum cum Simonide iustū ait, suum
cuique reddere, & suum interpretatur
quod cuique consentaneum est, vt
hostibus malum, amicis bonum. Et
quidem omnium legem communem,
hostem

hostem multare licere, probè Platonē
scē dicunt Thucid. lib. III. Nec sane
hic quisquam disceptat: sed illud que-
rent omnes, quæ ea sit vindictio, quā
opinari iustam possimus. Nam qui-
dam respondent simpliciter iustum,
quod his armorum in impotentē
ores agit Dio lib. XLIX. aut quod est
potentioribus utile. Sura lib. I. cum id
genus ulis, quæ notat ego, & impro-
batur disput. II. quemadmodum &
Plutarchus improbat Pindarum ca-
nentem, Hostem deest hostis perdere
omnia: quoniam inter necinum hoc
bellum, & cōtra naturam foret: ut ne-
que ipse receperim istam contra bar-
baros crudelitatem: quæquid diu-
sum scripserit Platonē in Menexeno,
& Alexandro visus est Aristoteles sua-
dere. Sequat verò & Alexandri consili-
um, & Strabonis, & Plutarchi iudiciū
potius, qui barbaros inter & Græcos
toto discrimine nō distinguendū pro-
barunt: sed quasi rem publicam vnam
B censentes

Iusta vltio
qua.

Vltio in bar-
baros.

consentes orbem vniuersum, omnes
homines populares municipesque, &
velut vnius armenti compascuo in
agro compascentis corpus existima-
rent. Adi. Str. lib. I. Plut. lib. I. de for.
Alex. Nec me de sententia ista mouet,
quod barbari ipsi contra nos tales sint
docti enim idem Philosophus verbū
illud confutat, Improbos contra armat
improbis probe, & vltis iniusti-
tiam eamque imitari iniustum ait. Nam
etsi digni ipsi hac periculis sunt maxi-
me, at nos indigni qui inferamus ta-
men: vt alius quis dicat. Non is est vi-
ctoris finis sed pacis utilitas. Quoties
pugnas, ad pacis utilitatem vincendo
perducas: inquit Augustinus. Admitto
illud, vt durius agi cum barbaris possit
iuste; & ita factitatum a Romanis scri-
bit, & laudat Str. lib. IX. & Flo. lib. III.
qui de Thracibus, Nec aliter cruentissi-
mi hostium, quam suis moribus domi-
ti: quippe in captiuos igne, ferroque scru-
tum est. Hæc Virgilius insinauit dum
ita

ita docuit lib. VI. p. 1. de i. s. in quoq. sub
Tu regere imperio populos: Romanes memento
Iste tibi erunt artes, pacis imponere morem,
Parcere subiectis et debellare superbos. Iste
didit scilicet præcepta in vniuersis duob;
parcendi vniui, et debellandi alteri, ut
vtrumque regendi, ac imperandi ratio-
ne conclusit, adq. pacem, suum belli fi-
nem disposuit. qui superbi sunt, hi sunt
se barbari, hi sunt debellandi, cum his
dure agendum est: ac cum alijs ex æquo
magis, quam ex iure finienda bella, vt re-
cte scriptum Diony. lib. V. nam est ali-
as tota hæc tractatio nostra de bono &
æquo, vt sunt reliquæ de consuetudinibus
quibusq. gentiū, & institutis: quod
nostrates docuerunt, & receptam opini-
onem testatur Horom. eod. XV. Sed et
ipsa ars nostra ars est boni & æqui. l. I.
Dig. de in. & iu. Atq. quod ita se habet,
in eo sub auctoritate iuris sciētiæ, stricti
iuris, & rigoris, plerumq. penitus se erra-
tur: dicente Celsio adolescente, probante
Paulo c. XCII. D. de ver. oblig. & sequē-
dum

Regulae vicio-
nis.

dum propterea est æquitate, et est in-
fistorum, et vglum, in minutio, et ut hã-
beretur in his definitionibus, quæ Platoni
adscribuntur. et ita quæ moderatio, et
modus est, hoc est, quod medium inter ex-
cessum, et defectum, quod sufficit, ut ibi-
dem definitur. Quæ autem communes
sunt, et denarium, regulæ, et eadem in modo
vitiis, constituendo, valebunt, ut ita
quod nec, liceat transire, prima est, ne
meritum excedat vitiis, quod pulchre
ornat, Leo condit, L. XI, L. XII, L. XVI, secun-
da est, ut in quo peccatum, in eo et ip-
sius, et quod tradit, Iustinianus in
aut, omnes, O boni, de fine, Cicero lib.
Ili, de legibus, et alibi recitamus, et ita
est, ut vitiis, et peccati, auctores, quæ
Callistratus, Iulianus, L. XXIV, et de
posh, et ipse, quos posh, paulo, proferemus
Noceat, et ergo, cupiditas, et la, et di, et
delitas, in pacatus, et in placabilis a-
nimus, et libido, dominandi, aduersus re-
gulas, et ita sunt, et mentio, et pari, solent.
quod in bellis, et fertet, IV, XXIV, et L.

Hæc

Hæc sunt, quæ bellum finitum nec firmum efficiunt, id quod Augustinus vituperat lib. V. de Ciui. c. XXVI. Et vix est, vt cõtius constitui aliud hîc queat, nisi ipsæ certæ species proponantur, de quibus respondeamus, quod immensum prosequi, nec nostræ est, nec artis alterius, quæ tamen regulis illis contraria esse videntur, nec sunt tam nouæ, quæ tractari sæpius solent, ea dispiciamus. Atq; cum vltionem victor vel in res hostium soleat, vel in personas exercere: de rebus dicolprimis, & a minoribus ad asperiores species vltionum conscendo. Sumptus belli victor recuperat iure, & damna, quæ passus est, ita Iustinus lib. XXXIII. statutumq; à nostratibus esse in disceptationibus loci contra actorem victum, vt apud Dec. cons. CCXL. XL. Scripsi, & cons. CCCXL. Perscrutatis, quibus ad rem aptior adiungatur ratio illa, quod priores in ledendo omnium culpam sustinent, quam habet Polybius lib. IX. sed & contra prouocatum, victumq; i-

Sumptus belli
li luit victus.

dem ius maneat, quia passim receptum
sit, eius causam victi iniustam, quamq;
belli exitus damnauit. In tantum vero
sumptus, damna, & interesse debentur,
vt pax licet composita sit, neque illorum
sit facta mentio, debeantur adhuc, atq;
prestanda sunt: quod & alij scripserunt,
et lason ad L. D. de pact. quinimmo ad
priuata quod attinet, etsi remissa sint
damna generaliter, & remissi sumptus,
non ideo à priuatis ea non repetuntur, vt
eidem definierunt: id tamen negat ve-
rum esse Iohannes Bodinus lib. III. de
rep. c. VIII. et dubitationem habet que-
stio: nam pro pace componenda contra
iuris regulas nō vnum constitutum est:
quia hoc est commodum maximum, à
licet recedere: vt notatur ad L. II. de
resc. vend. itaque quod dicitur aliàs, be-
neficium inuito non dari, hic non obti-
net: et ad pacem priuati homines cogi
possunt, quod alij tradunt, et Chass. cat.
gl. ma. par. V. confid. XXIV. et est in eo
etiam singulare, vt necessitatis sit ius cō-
trahendi

trahendi contra certam regulam. I. sicut
Cade oblig. et ne plura congeram, hoc
ipsum, de quo agimus, singularis iuris
est, bona etiam privatorum pacis causa
dari a republica, aut principe posse, ad-
uersus generalem definitionem, id est,
quod nostrum. D. de reg. iur. et istud de
pluribus recte firmat Duarepus ad h. re-
uentionum. D. de pact. has praeterea da-
tiones lata excipiendas interpretatione,
docet Decius conf. CCCLII. Viso. et
conf. DCLII. Viso. Ceterum ex causa id
probabili, & probata fieri debere, hic
quoque vult, de qua vel cogitatum ge-
nerali illa remissione, quis credat? Atque
hic est nodus, si generali sermone remis-
saque priuata censentur. Putem tandem
remissa conseri: quandoquidem bellis
compositis priuatorum iudicia nun-
quam, si memini, audita sunt. et quae in
bello mala contingunt, ea sunt nec pri-
uatorum frequentia minus, quam pub-
lici: itaque de illis non minus, quam de
illis transactum existimabitur. At si dicer-
sam

iv. iudic. t.
ad h. reu.

prolun. c. p.
ad h. reu.

sam interpretum traditionem sequi pla-
 cet, tam tu vera recte de senectis in his om-
 nibus, quae priuatis extra bellum debet-
 tur, & ita Decius confidit. XL. sed & quae
 publicae debentur extra causam belli, ea
 debentur haud dubie factis praee: quia
 nonnulli his bellum, adeoque neque pax
 praeter sumptus, & reliqua supradicta,
 victor tributa, stipendia victis imponit
 iusto, et extra victis imponere Romani
 solent. App. lib. II. de be. ci. & Iustitiamus
 hostes Zanis victis tributa indicin-
 bet, ut se victos agnoscerent. Agar. lib.
 III. & alterius etiam fuit in consuetudine
 legislatoris. c. II. de cens. censum illi ser-
 uitutem censebant apud Iosep. lib. XVIII.
 sed nec minor seruitus tributum, sti-
 pendium, vestigal: vnde L. i. de L. i. & Cice-
 rone indicant lib. III. de legatione. c. XVIII.
 restituique, certe victoriae praemium, bel-
 li poena, quod ait Cicero Ver. V. Agro-
 item multare, solens Romanis, quod
 solent narrat Appianus lib. I. & Italiam
 extra constituit med. municipi omnia
 mil.

Tributa vi-
 ctis indicit.

Agro multare
 victos.

Vlpia.

Vlpia. tit. XIX. quod est, non ita ea
victis relinquere, vt non retinerent ipsi
victores Romani dominium primum.
vt verè exposuit Franciscus Balduinus in
comm. ad leges XII. tab. Vt verò dam-
nata est dominandi libido, & bella im-
perij caussa proferendi latrocinium grã-
de reputatum Augustino lib. III. de
Ciu. c. VI. quæque olim occupatio bo-
norum licita erat, facta mox rerum di-
uisione desierit esse licita: belli tamen ti-
tulo quæri non minus, quam alio quo-
uis & agros, & res alias posse, indubita-
tum est. sunt priuata (ait Cic. lib. I. de
off.) nonnulla natura, sed aut veteri oc-
cupatione, vt qui quondam in vacua
venerunt: aut bello, vt qui victoria po-
titi sunt: &c. et id passim traditum, et
lege Dei Deut. c. XX. Et itaque feren-
dus non est Lucanus, qui orbis terra-
rum prædonem appellat Alexandrum:
nam et patris eadem consilijs Darij pa-
tratam vindicaturum se profitebatur,
Arria lib. II. et victorem occupare po-
tuisse

tuiffe regna hostium, plusquam recep-
tum. Ineptus est Lucanique patruus
Seneca, qui libro primo de beneficijs
vesanum adolescentē, et felicitis temerita-
tis, non virtutis, latronem a pueritia,
gentium vastatorem, et hostium et suo-
rum perniciem eundem vociferatur,
neque cum Hercule, quod cupiebat,
conferendum ratione vlla, quādo Her-
cules nihil sibi vicit, at orbem terrarum
transierit, non concupiscendo, sed vin-
dicando. ineptus inquam Seneca, qui
non Alexandri vnus, sed omnium gen-
tium, omnium temporum imperia ce-
nuissimis nata initijs, aucta vi bellica
condemnavit. et quid suum Roma-
norum? hoc virtute factum Hieroni-
musque scripsit, c. XIII. XXVIII. q. I. &
longiore oratione Agrippa adprobavit
apud Iosep. lib. II. de be. lud. Verū non
ea scriptio nostra, vt in his valeat im-
morari. Sed ad presentem inspectionem
ea accedit disceptatio, si ius est victoris
vniuersale, an verò in his tantū rebus,
quas

Victoris ad-
quisitio vni-
uersalis,

quas pede premit, manu tenet: quam
scripsit Hotomanus illis. q. V. & non
vniuersale concludit, sed particulare, vt
emptoris, alteriusque successoris parti-
cularis. & scribit sanè Celsus, exercitum
eam tantummodo partem obtinere,
quam intrauerit. L. XVIII. D. de adq.
poss. & totum hoc ius, vt ait Hotoma-
nus, in manu, & occupatione, & cap-
tiuitate positum est. Ergo quod dubi-
tauit Quintilianus libro quinto capite
decimo, id iste definit palam, Thessalos
non honoratos ab Alexandro, quibus
is chirographum Thabatorum dona-
uerat quoddam, at derisos: quando ius
exigendi pecuniam, quod chirographo
consignatum erat, in manu victoris nō
fuit. Verū id est tractandum cautiū:
nam Alexander immo successor Thæ-
banorum vniuersalis, quoniam euerse
Thebæ, & ita mortem passæ sunt. si
hostis superstes est, tum est victor parti-
cularis successor: at si victus penitus est,
victor erit omnio successor vniuersalis.

Victi orna-
mentis spoli-
ari.

& ita bona deuictorum Chalcodonensium sibi dedi a Bythinis Alcibiades petit Xenoph. lib. I. re. Græ. ita ipsa regum Demetrii, & Mitridatis corpora Romani petunt Liui. lib. XXII. & in Luc. Plu. Victos præterea spoliare ornamentis omnibus, & id quoque licet. & ita Cic. Verr. III. *Signa, & ornamenta ex urbe hostium vi, & virtute capta belli lege, atque imperatorio iure sustulit. translatitumq; a priscis temporibus, signa, ac deorum donaria capere, & barbarorum, & Græcorum exempla iam longo tempore confirmata, dicit in Archadicis Pausania: & Augustum tueretur, qui notari videbatur, quod cœpisset. Et itaque vel ius non fuit, vel discessum ab eo est, quod Labanus contrarium clamitat Iosep. lib. I. antiq. Et simplices fuerunt sanè vetustiores, & longe moderatissimi in vniuerso hoc negotio bellico: vt monui commentatione secunda, & notat Demosthenes pulchrè Phi. III. Atque si hæc, quæ deo sacra dicuntur, existit*

esse hominum commercium censemus,
 quia in nullius bonis censeantur, ut Iu-
 stinianus tradit Inst. de re diu. negoti-
 um cum Deo, ea rapiendo, contrahet
 victor: nec habet victus, cuius, quæ
 non sunt sua, sibi quaeritur violata. quod
 si in commercio etiam num sint, unde
 & alienentur aliquando, ut scribitur in
 l. XVII. C. de sacr. eccl. & iuris publi-
 ci esse, ut legitur in l. l. D. de iur. et iuratum
 quæ victi erant, victor iuste accipit. Ius-
 tum ergo ius, quo utimur. Sed intelli-
 gas cum Cicerone tamen in urbibus vi-
 captis. nam et Paulus Æmilius captas,
 non deditas vrbes diripi ait, sancitque e-
 mendata direptione, Lir. lib. XXXVII.
 et diripit, et vendidit plurimas: ut est a
 Plinio traditum lib. III. Moenia et di-
 rui capte vrbes possunt, et ipsæ integræ
 vrbes eueri. partem murorum Giscalæ
 Titus iure possessionis destrui voluit: ut
 apud Iose lib. III. de bel. Iu. et Mirandu-
 lā renouasse exemplum Iulius secundus
 dicitur. meminit verò Plutarcus moris:

Moenia dirui,
 & vrbes,

sed aliam ipsius rationem profert, ne in
mœnibus præsidium crederetur. Symp.
lib. II. q. V. vrbes integras disturbatas
quid memorem? nota Carthago, quæ et
aratum passa, solenni Romanorum
more. et notatur in l. XXI. tit. III. lib.
VII. Dig. nota Hierosolyma, eiusque
templum aratum in ignominiam gen-
tis oppressæ: vt loquitur ille c. VII. dist.
LXXVI. sed et execrabantur euerfas vr-
bes: quod recenset Strabo lib. XIII. no-
tæ vrbes, quas ipsi Iudæi exciderunt,
quibusque salem more eorum solenni
superseminarunt. adi lib. Iud. c. IX. &
Iose. lib. V. & VII. antiq. Numantia
præterea nota, & Corinthus, & aliæ ad-
modum multæ. trecentas Celtibero-
rum, quales fuerint, euerit Graccus:
Paulus Æmilius in Epiro duas & sep-
tuaginta. vt Strabo vtrarumque memi-
nit lib. III. & VII. Ex his hoc bellicum
nec incognitum: quod diuersis ex caus-
sis stat. Disturbata Corinthus in ultio-
nem legatorum. quam adprobaui caus-
sam

sam lib. II. de legatio. c. XIII. & hic ad-
do, coloniámque fuisse Romanorum;
quod recenset Pausania libro secundo.
itaque rebellem deletam iuste. Numan-
tia iuste diruta, ad quam annos viginti,
diutius quàm ad Cartaginem, pugna-
tum; tantum cladium, tantum dedeco-
ris acceptum: quæque minutula urbs
ausa Romanorum hostes protegere,
victosque, adeoque dedendos excipere.
tollendum infamiae monumentum: in-
fana superbia eradicanda: his minime
ignoscendum, qui impossibilia obsti-
natissimi tentarunt. cumulat contuma-
cia poenam: vt inquit Marcianus in L.
III. D. de poe. & monet Titus latè Iose.
lib. III. de be. Ind. receptumque in bel-
lis omnino est, in contumaces durissi-
me agere. Ergo valeat Florus, qui Nu-
mantinos non iuste oppressos censuit,
sed nec Corinthios lib. III. Carthaginē
non negauerit oppressam, & euersam
iuste, qui scribit, Poenos contra foederis
legem aduersus Numidas classem, &
exerci-

Rebelle.

exercitum comparasse, & frequens terri-
tasse fines Masinisse. qua vero superbia
maris peccabant, in ea ipsos vlcisci Ro-
mani decreuerunt: vt est apud Appia-
num. Quid Hierosolimam tueretur?
numquid non in ditione Romanorum
vsque a Pompeio? vtique scribit Iose-
phus lib. I. de be. Iud. numquid igitur
non rebellis? rebellis est, qui contradicit
subditus vel dicto, vel facto superioris:
aut is certe, qui principi, vel eius officia-
li resistit in pertinentibus ad imperij sta-
tum. qui fert inimicis opem litteris,
nuncijs, signis. vt hæc tradita ab alijs fir-
mat Decius cons. DCIV. In casu. seue-
rissime autem vindicari perduellionis
crimen oportere, certum est. & hoc Ci-
cero in prima Catilinaria virtutem ap-
pellat: *Fuit ista quondam in hac rep. virtus,*
vt viri fortes acrioribus supplicijs ciuem per-
niciosum, quàm acerbissimum hostem coërce-
rent. & hinc ignis quoque pœna contra
ciuem istum inualuit. L. VIII. D. de
poe. Amm. lib. XIV. XXI. XXII. &
nos

nos alibi. Et probe illa in Hebraeorum
proposito Iosephus lib. II. Qui semel
subiectus est, & deinceps deficit, contri-
max magis seruus, quam amator liber-
tatis ostenditur. Plura autem mox de
subditis. hic vnum pro eis appono,
quod excusentur, si timore mortis, &
depopulationis feruierint, & fidem etiam
hostibus iurent, viresque dedant, quas
tueri princeps non potest. quod dispu-
tat Decius cons. XXV. & comprobat
Molinæus. mihi de veritate non inqui-
rendum, sed ad vires hostium redeun-
dum est. Numquid igitur vbi in poenam
ca iuste vastatio vrbium fieri potest, ita
et in terrorem potest aliarum; et ad fa-
mam nominis? Poenæ quidem omnes
ad aliorum terrorem magis, quam ad
criminis patrati lucram esse dicuntur.
verum nisi et patratum crimen exigat
poenam, hæc nunquam infligetur. Ad
nominis certe famam, quod a Sueuis o-
lim factitatum memorat Caesar, et fie-
ri a barbaris consuevit feritate ingeni-
ta,

Terror, fama.

D

cupidi-

De captiuis.

cupiditate nocendi, non magis probes,
quàm quod factum est Dianæ templi
incendium. Atque hinc partem istam fi-
nio, quæ de victoris vindicta in rebus
hostium fuit: & ad alteram de vindicta
in personas accedo. & de iure quidem
seruitutis, in quam capti hostes tradu-
cuntur, attingimus commentatione se-
cunda. ceterum videndum aliquid &
hic est: quando victoris potestas latior,
iure potentius, ~~causa~~ ^{causa} vitionis grauior
credi potest. sed neque nunc velim ta-
men atrocioribus iniurijs captos affici.
& quod Athenienses captiuorum vub-
tus notis foderunt, manus debilitarunt,
improbaturum est. *Eliano lib. II. Cicero-
roni lib. III. de off. Plutarco in Nic. &
in Lysa.* ita seruitia dominorum dom-
pressa ciuilibus cõstitutionibus sanctis-
simè, etiam impudicitia, etiam auaritia.
*L. II. tit. VI. lib. I. Dig. & apud Seneca-
m videris lib. III. de benef. Huiusmo-
di omnia sunt morte tetriora. Sed nec
licita cades captorum.* & ait illa tamen
in

in Ceiri, At belli saltem captiuam lege ne-
casses. & grammatici, serui, qui seruati
sunt, cum eos occidi oporteret. immo & iu-
ris auctoris hoc Inst. de iu. pe. & L.
CCXXXIX. D. de ver. sig. feris etiam
captiuorum hostium multitudinem
magnam Constantinus obiecit: vt in
panegyrico leges. Fieri hæc omnia no-
tum nimis: & causæ illa excusant, pro-
bantque. Interim de Græcorum more
regulam constituemus, non licere fir-
mata victoria hostem occidere: quem
notat morem Plutarcus in apophet. &
Seneca crudele dicit occidere, deque Cæ-
sare, qui neminem nisi armatum inter-
fecerit, hoc ius notat lib. V. de benef.
quod & Augustinus, *Hostem pugnantiem*
necessitas perimat. sicut resistenti violentia
redditur, ita victo, vel capto misericordia
debetur. c. III. XXIII. q. I. Et stabit re-
gula rationi illi subnixa, quod detrahe-
re oporteat seueritati, vbi multorum
strages iaceret. vt idem Augustinus, &
alii docent. c. I. dist. XLIII. c. XIII. I.

q. VII. c. V. IX. q. I. c. XXIII. XXIII. q.
III. Nec modò vita, & incolumitas re-
linquenda victis, sed aliquando ipsa &
libertas est. & multis sæpe populis vi-
ctis victor populus Romanus eam reli-
quit, deditque, vt Græcis vniversis sub
Æmilio Paulo imperatore. quid enim
liberis populis iugum non latum ser-
uitutis impones? an gentem integram
exterminabis? id quidem licitum, sed
non honestum, nolle nec viuos, quos
habere seruos non potes, si amicos po-
tes. et in mancipio, ait Seneca libro
primo de clementia, cogitandum, non
quantum illud impune pati possit, sed
quantum tibi permittat æqui, bonique
natura: quæ parcere etiam captiuis, &
pretio paratis iubet. itaque vel regnum
relinqui suum victo, si tutò fiat id, bel-
lè monet. nam si malè relictam liberta-
tem vtendo corrupturi esse viderentur,
tum quidem relinquenda non est, quod
obseruatum leges Liu. lib. XXXIX. Et
de illis ipsis Græcis dixit Vespasianus,
desisse

desisse scire liberos viuere, & itaque
exiit libertate. vt refert Pausania lib.
VII. & Macedonia ingrati vitio tandem
in seruitutem redacta: teste Seneca lib.
III. de benef. Videndum quoque quos
inter bellum gestum esse dicatur. nam
quæ pugnant formæ rerum publicarū,
nec se inuicem ferent: victæ victrix non
iniquè leges seruitutis imponit. par est
siquidem, vt potentiori succumbat,
quæ stare vnâ non possit. et naturale,
iustumque imperium, vt imbecilliora
potentioribus pareant, ait Plato lib. III.
de legi. et Thucid. lib. V. feratq; victus
quod fecisset, si vicisset ipse. Ita rempub-
licam rex, regem respublica perimit.
ita Demosthenes non semel dixit, cū li-
beris populis aut propter priuatas iniu-
rias, pro quibus satisfacere publicè non
potuerunt, aut pro parte agrorum, aut
de finibus, aut propter contentionem
honoris, aut de principatu bella A-
thænienses gessisse: cum potestate au-
tem paucorum propter hæc dimicatio-
nem

nem nullam, sed de reip. forma, ac libertate habuisse. ita Xerxes inimicitiarū medium nullum inquit cum Græcis sibi, at dominationis extremum: Herod. lib. VII. ita mihi visus Romanus vbique populus reges tollere, populares status seruare, nisi si quid certa imperij ratio aliquando diuersum exegerit. ad quam victoris accommodare se victi debent, aut frangentur: vt iustè fecisset Athazniensibus Philippus, eisq; ponit ob oculos Demosthenes in orat. de Chers. & Phi. III. ita Samnites deleti funditus. Stra. lib. V. ita vrbes æquaræ solo, quas recensuimus. ita dilacerata Macedonia. Liu. lib. XLV. ita transportati Ligures. Liu. lib. XL. ita alia deteriora in parere recusantes patrata non iustè modò, sed etiam honestè. Et de plebe hæc. namque induces hostium agi durius posse videtur. in quos scilicet vltionem descendere, multitudini vt parcatur, dixerit Iustinianus, qui eo nomine voluit capita factionum punire: vt est in Auth. de proc.

Duces hosti-
um.

proc. Cap. Et hæc quidem Romano-
rum consuetudo duces hostium necan-
di. Cic. Verr. ult. Iosep. lib. vii. de be-
Iud. quam sustulisse dicitur Pompeius;
renouasse Constantinus, & hic & ille
Magnus: ut est apud App. de be. Mi. &
apud panegyraften. at Cynusque igni de-
stinat Croesum, Herod. lib. i. Mestemij in
tetro carcere necant Philopœmonem:
Eumenes miserrimo mortis generi ad-
dictus, ut inedia conficeretur, ut tradit
Plutarcus. Samius rex suspensus a Persa,
Stra. lib. XIII. Ariarathes Cappadocum
in crucem actus a Perdicæ, Lucia. in
Macrobi. Agag disceptus in frustra a
Samuele, & XLII. q. VI. Quid indi-
cem plura: iam Siphacis, Persei memi-
neris, Iugurte, Aristonici, Artabaldi, Mi-
tridatis, Ptolomei; aliorum regum a
Romanis captorum, confectorum mi-
seræ. Et habet aliam rationem ea con-
suetudo; sed quæ alteram partem futuri
respicit, quod duces isti, principesque
instaurare litem finitam valerent super-
stites.

stites, verum ea potissimum ius Roma-
norum dicebatur, quia suorum mani-
bus et forum ita parentari credebatur;
ut dixitque Tertullianus in lib. de spect.
& expressum a Virgilio, qui pium hero-
em ita loquentem facit.

Pallas te hoc vulnere, Pallas
immolat, ketc.

Sed & Cyrus, & alij religionem quan-
da in re ista constituebant: Scytharq; cen-
tesimum captiuorum itidem immola-
bant, quod Herodotus in Melpome-

Conradinus.

ne. Quae cum ita sint, Caroli regis Nea-
politani septentiam, quae est Conradinus
necatus, nunc opere ipse vituperanda
non censuram. & is non apte in clama-
bat, parem istis parem non habere impe-
ritum: nam captiuus non par victori. At-
que non dubium videri potuit, futu-
rum ut Carolus inutissimus viveret, si
Conradinus vixisset: quia sine Neapo-
litani semper Italiam regibus non maxi-
mo cupidi rerum nouarum, & mutati-
onum appetentissimi. quid Guicciar-
dinus

dinus libro primo, & secundo admonuit, & Collenucius contestatur. Ergo consuleus a Carolo pontifex Romanus respondit vt breuissimè, ita iustissime-
que, *Mors Conradini vita Caroli; vita Conradini mors Caroli.* Col. lib. III. Augusti-
næque sententiam, qua hostem hostis victi vel capti misereri monet, maximè in quo pacis perturbatio non timetur, c. III. XXIII. q. I. iurisperiti eius a-
tis non malè sunt interpretati ita, ac si Augustinus dixisset, Nisi pacis pertur-
batio timeretur. nam exigit ratio, cui verba aptantur, istam interpretatio-
nem. et ille articulus Maximè non sem-
per includit, nec adfirmat semper. quod alij adnotarunt: & verum est. Contra Conradinum vehemens accusatio in c. XVII. de elect. in VI. at eam ego non moror. immo in eo facto hoc improbo, quod bello captus quasi criminis reus necatus est: malefici liquidem est, iudicium sententijs condemnatum mori: vt atque Demosthenes rectè Phi. I.

E

Alciatus

Precium re-
demptionis.

Alciatus in libro de singulari certamine
nec mortes captiuorum tulit, sed nec
seruitutem, nec malam tractationem,
nec pretium redemptionis immodera-
tum: atque de gentium quasi consensu
Christianarum hæc recitat. Neq; ego a b
huiusmodi definitionibus ab eo longè:
et scio Alfonso, celebrem illum re-
gem Neapolis captum, & dimissum:
scio Caroli filium supradicti: scio Fran-
ciscum primum Galliarum, & alium
Galliarum regem Turciq; captiuum,
& Lyfimachum captiuum apud Thraces,
& Sarmatarum modò captiuum ar-
chiducem Maximilianum: scio hos di-
missos, & quosdam gratiis, nec dubito
alios huius ordinis esse. memini verò,
Aristotelemq; libro primo politico-
rum recensere, nobiliores captos non
seruos nuncupatos, sed nomine hoc
barbaros tantum appellatos: & Spar-
tanum quendam captiuum isto, non
mancipij nomine dici voluisse apud
Plur. in apophet. Ceterum accepta ma-
la,

la, futuri supiciones, alia possunt illam definitionem immutare. Et quod Alciatus specialiter de pretio redemptionis habet, id quidem neque non est honestissimum, neque non sequi victores principes debent: veterum enim simplicitas in pretio nec vlllo recipiendo, vt ait Demosthenes: & Pyrrhi iudicium laudatissimum, qui respondit, *Nec mi aurum posco, nec mi pretium dederitis.* &c. illam verò simplicitatem, & virtutes heroicas exprimere decet principes maxime, qui supra humanam conditionem sunt verè. est tamen, cur & diuersum seruari possit, & seruatum ab alijs est. Homerus etiam Achillem Hectoris cadauer quasi vendentem facit. quod etsi Tassus in dialogo primo de nobilitate non probet, vt vt sæuitiam in cadauer idem non improbet, affectum iræ, & heroum: probant alij tamen, quia munera a Priamo allata capere Achilles debuit, quasi victoriæ & honoris indicium: nam tale est munus, Arist. lib. I.

Rhet. vnde Ouidius de dijsque, *Placatur
 donis Iupiter. barbaros præterea iustissi-
 mum spoliare pecunia.* L. III. C. de
 comm. & merc. & generaliter vsuram-
 que, auaritiæ terribilissimum, Ambrosius
 in hostem admittit, c. XII. XIII. q. III.
 cui iure inferuntur arma, huic legitimè
 indicuntur vsuræ. ab hoc vsuram exige,
 quem non sit crimen occidere. vbi ius
 belli, ibi ius vsuræ, &c. At vide iam æ-
 quitati huic oppositam seueritatem il-
 lam, quæ vltionem ad posterosque de-
 ducit. quæ est agitata quæstio ex Alex-
 andri facto, qui Græcos vlturus in Per-
 sas monit. Et Arrianus, quem ex le-
 gum auctoribus vnum fuisse volunt,
 qui que laudat vbique Alexandri facta,
 damnat palam vindictam huiusmodi
 lib. III. cum qui iniurias intulerunt bar-
 bari, hi iam non extabant ampliùs. at-
 que huc accedit Cicero, cuius illa lib.
 III. de nat. deo. *expectentur pœna a liberis,
 a nepotibus, a posteris. O miram æquitatem
 deorum. ferrètne vlla ciuitas latorem istius-
 modi*

Vltio in po-
 steros,

*modi legis, ut condemnaretur filius, aut ne-
pos, si pater, aut avus deliquisset? idem
Iosephus censer lib. III. & IX. antiq.
& de sacris acceptum est literis, quæ, fi-
lium portare patris iniquitatem, non
patiuntur: & nec eius occidi liberos si-
nunt, qui regem necarit. III. reg. XIII.
et II. chron. XXV. idem de senatus Ro-
mani iudicio, & eius populi longo in-
stituto adserit Dionysius latè lib. VIII.
et longè itaq; omnium iniustissimum
ait Plutarcus in Sylla, quod hic vel ho-
noribus filios proscriptorum exuisset.
quod et Seneca lib. II. de ira. additque,
nihil iniquius esse, quàm aliquem here-
dem paterni odij habere. Atque hæc
omnia illi hærent regulæ, ut pœna vnos
teneat peccati auctores: non amici, non
adfinēs puniantur: quia nec amicitia,
nec adfinitas crimen admittant; ut ait
imperator in L. XXII. C. de pœ. et ea-
dem sententiâ in Nou. tit. XVII. coll.
IX. ubi et pecuniaria damna amouen-
tur. ait verò Zeno, Graue est non solum*

legibus, verum etiam naturali æquitati
contrarium, pro alienis debitis alios
molestari. C. vt nu. ex vic. vnde illique
scilicet tituli, Ne vxor pro marito, vel
maritus pro vxore, vel mater pro filio
conueniatur. Ne filius pro patre, vel
pater pro filio emancipato, vel libertus
pro patrono, vel seruus pro domino cõ-
ueniatur. Cod. lib. III. Et ita cum alijs
inquit Decius, lege quidem contra hæc
statui posse, at illam odiosam fore, con-
tra naturalem æquitatem, contra ius
diuinum. conf. CCCLIX. CCCCX.
CI. DXXIII. DXCI. Ius tandem fre-
quens, & vulgatum, heredes in pœnam
non succedere, L. p. D. de no. op. nu.
L. III. V. VI. D. de al. iu. mu. ca. fa. L.
CXI. D. de reg. iu. Et ita pro hac parte,
quæ per se septa videtur satis, multa ni-
mis, contrariam autem tuctur Plutar-
cus latissimè in lib. de se. nu. vi. & Alex-
andri factum probat amplè. quemad-
modum de eiusdem regis virtute duo-
bus adseruit libris plenissimè. Porro in
quæstio.

quæstione nostra ad numen diuinum
quod attinet, hoc facit nobilis is philo-
sophus tã benè, vt nullus eruditissimo-
rum in veri Dei nostri schola faciat me-
lius. habet scilicet rationes solidas, qui-
bus adprobet superbissimo cuiq;, quod
& pronunciat Deus, vltimum se pa-
trum delicta in tertiam generationem,
& quartam. pia etenim mens iustam
censet pronunciationem, quia Dei est,
non autem censet Dei, quia iusta est:
vt proxima commentatione recitavi-
mus sapientum dicta. quibus adiunge-
re licet alia de Tert. lib. de fu. in pers. &
lib. de pœnit. qui eidem adscribitur:
item de Arnob. lib. III. & VI. sed & de
alijs alia, quæ idem hoc nobiscum do-
cent. verùm est quæ altera hæc Dei pro-
nunciatio ad res vitæ istius referenda: vt
fit etiam a iure canonico in c. X. de hæ-
ret. c. citò. l. qu. l. & obseruatum a Co-
rasso est in celebri illo arresto Tholosano
adnot. XCVIII. paritate feminis,
gravitate causæ, publica ratione postu-
lante.

lante. & ita illam vitiosam sementem
Plutarcusque considerat, & imperato-
res in l. v. C. ad leg. lu. ma. qua in fi-
lios ultionis pars dimittitur. quæque ut
videri dura valeat, nunquam tamen e-
ius esse odium in illos filios irrationabi-
le dixerim: etsi id dicant alij, & Decius
conf. LXIII. Diligenter. unde nec in
nepotibus obtinere volunt, nec in fra-
tribus, nec, si ipsi filij rei sunt, in paren-
tibus: quod scilicet in fratribus, patri-
busque ratio illic dicta cesset, cum non
sint isti ex infecto sanguine perduellis:
quam vnâ rationem seueræ illius le-
gislationis tradunt, quos sequitur De-
cius: sed non Alciatus de præf. reg. l.
præf. XXIII. qui & alias affert, quas re-
censebimus. hanc ita tenet tamen, ut ex
vna specie delicti paterni statuat præ-
sumptionem, filios pluribus etiam, di-
uersisque laboraturos criminibus. præf.
VIII. reg. II. Ast ego idem de nepotibus
& alijs descendentibus opinarer per d.
c. citò. aliaque, quæ hîc tamen latiori
folio

folio non tracto. sed in proposito dico
cum Plutarco, quod ut præcessorum
bonis successores frui æquum putant, et
est: & de indignis successoribus quoque
latè adstruit Seneca lib. III. de benef.
ita debita incommoda sustinere simul
debent. hæc est regula naturæ. L. X. D. de
reg. iu. Hæredes quoque in poenam im-
mo succedere, quâ ad eos de aucto-
rum bonis peruenit, leges constituunt.
L. II. D. qui. ad lib. pro. non li. L. XVI.
D. quod me. ca. L. V. D. de calu. Et
itaque Persæ illi, quibus bellum intū-
lit Alexander, vrbes, & reliqua bona a
maioribus, qui Græciam vastarunt,
cum haberent, quid reprehenditur?
Quinimmo cum ciuitas, populûsque
tempore non mutetur, sed successione
sit idem, qui olim fuit, vt de Aristote-
le, ac iurisconsultis scripsimus, & hoc
loco Plutarcus tradit: hi profectò poste-
ri non tam pro alieno, quàm pro ipso-
rum merito puniuntur. Rursus dum in
posteror ita ius extenditur vltionis, eo-

rum sapere periculo maiores coguntur.
quod & cum alijs nostris notat Alcia-
tus, & ego indicaui in obsidum argu-
mento. sed & Cicero alicubi ita, Nec
verò me fugit, quam sit acerbum, paren-
tum scelera filiorum pœnis lui. sed hoc
præclare legibus comparatum est, vt
charitas liberorum amiciores parentes
reipublicæ redderet. et alibi. Illud vide-
tur esse crudele, quod ad liberos, qui ni-
hil meruerunt, pœna peruenit; sed id et
antiquum est, et omnium ciuitatum.
parentes quippe pro affectu terri in li-
beros magis, ait L. C. in L. VIII. D. quod
me. ca. Et quemadmodum de benefi-
cijs conferendis in successores ait Seneca,
plures iuuare bonos si gratia bonorum
non cum ipsis cadat: ita plures terrebit
malos, si odium malorum non cum ip-
sis cadet. Et itaque libro primo de ira
idem auctor, totas domos fuditis tolli,
familias cum coniugibus ac liberis per-
di, tecta dirui, alia id genus iuste fieri
posse censet. Et Cartagine cognati quo-
que,

quē, non liberi modò, innoxij supplicio affecti. Iusti. lib. XXI. tractati miserimè non admodum pridem proditorum cognati ad quintum vsque gradum alij Friderici Cæsaris iussu. Coll. lib. IIII. & pars sanè corporis nostri cognati. L. XXI. C. de agr. & cens. & proditoris odio, vt omnes in proditores insurgant, quibus eorum nota vita esse potest: vt potest cognatis. L. octau. D. vn. cogn. quam quoque meminirationem proferri in disputatione ista, & refert Valerius Maximus, de robore præcipitados familiares Græcorum, ne quis inimicis reipublicæ amicus esse vellent. lib. VI. c. III. Atque ita posteriorem hanc partem probò, vt ex causis vltio summi & de posteris possit. Verum addo illud, vt leuiores omnino hæc victores sient: nam misericordia digni, qui alieno laborant vitio. L. VII. C. de nat. lib. & liberorum hostis miserturum eum, qui moderatus est, & mente vitur, ait probè Demostenes ep. III. &

sancit ea L. V. C. ad leg. Iu. ma. præfer-
tim in fœminis: quod pleniùs in c. III.
& V. de pœ. lib. VI. & exemplum ha-
bet Herodotus in Melpornene. Decet
victorem moderatio semper: vt ait a-
pud Polibium Quinctius. iam scilicet
ira belli desenuit: vt fuit significanter
vocabulum Sallustio vñrpatum. Et in
vniuersum tenere Virgilianum opor-
tet illud, *Parcere subiectis*. id suadet Li-
uia, & persuadet Augusto, Dio. lib. LV.
hoc est imperij proprium, curam gerere
salutis alienæ, & boni moderatoris re-
stringere potestatem: quod de sapienti-
bus recitat Ammia. lib. XXIX. cum sex-
centis alijs. Vlpianus autem scripsit, Ve-
niæ nullam esse rationem, inhumana-
num est. L. VI. D. de his, qui no. inf.
& collegit Tiraquellus volumen eo-
rum, quæ mollire pœnas consueue-
runt. Ego hîc diutiùs hæreo. Captiuis
porro ad fines deditiij sunt. hi sunt, qui
dediderunt se, non expectarunt, vt cape-
rentur: in quos agi mitiùs oportere in-
dicaui.

Deditiij.

dicauimus, & historiae docent, & ipse
quēuis naturalis admonet intellectus.
quid, quod venia dignus, qui obtem-
perauit? L. XI. D. de his, qui not. inf.
Arvel dedunt se simpliciter, vel arbi-
trio, vel misericordiae, vel voluntati, vel
si quae similia verba sunt vsurpata. Illud
tamen in quacunque deditioe mihi
persuasum est, dedititios interficere non
licere. nam qui accipit dudentem se, ta-
citae illius spei tacitus quasi porrigere
manum videtur. Senatuque Romano
visum atrox, quod consul in deditos sa-
uierit, eos vel vendendo: itaque redimi
iussit, & bona ipsorum recuperari, ip-
sisque reddi. dediderant vero illi se, nihil
pacti: & qui rebellasse certe a sordere
non semel videntur: vt haec Sigonius re-
citat lib. I. de ane. iur. Ita. c. XXIII. Iam
arbitrij nomen cogit potestatem ma-
gis, & ad bonum virum refertur. L. I.
D. de leg. II. L. XXIII. D. loca. & Pla-
to censuit lib. I. de legi. & Arist. lib. III.
Polit. & aequitati adstrictum dicitur,

rationique naturali subiectum: quam
citra iniustitiam non deserimus, vt ex-
plicatum a nostratibus est alibi, & ad
§. præterea. Inst. de act. Disputatur ve-
rò illud latissimè, nec constat admo-
dum, quid receptum sit, si ad mortem
vsque arbitrium porrigatur. quod vide-
ris apud vnum Marantam q. III. mihi
tamen sententia probatur, quæ porrigi
censet: quæque adseritur a Decio conf.
C. In caussa, si enim & mortem pro-
meritus est dediticius, atque arbitrij no-
men ad iustitiam refertur: quid hîc con-
tra verbi significationem fiet, si morti
adjudicatur? Vanum autem in hoc
tractatu iuriscientium, quod in iure ci-
uitatum quaeritur, si huiusmodi dedi-
tiones fieri possunt, quando nec mem-
brorum suorum, nec vitæ suæ quis do-
minus existat: unde nec fieri deditiones,
concluditur, ad Aret. ad §. I. Inst. de
iur. & iur. Hic scilicet cessat civile iudici-
um. sed & iure ciuitatum valent dedi-
tiones, si receptæ moribus sint. vt per
Menoch.

Menoch. de arb. q. VII. nemo autem dubitat, receptissimasque in bellis esse. Qui verò misericordiae se dedunt, hi quasi delictum falsi, castigari posse videntur. sed non ita est. & nullum fatur delictum, qui ita loquitur, & misericordiam implorat. quod alij docent, & idem Menochius q. VIII. sed immo benignè tractandus est; ut alijque tradunt, & Chass. in Cat. par. V. confid. XXIII. Qui se dedunt voluntati, hi grauiorem subire conditionem videntur, quia de voluntatis vocabulo nostri sic definire solent, ne coactum sit. ceterum constat, excedere rationem non oportere. L. XIII. D. de pœ. & turpe nihil in quantavis potestate admitti posse, nihil illicitum, nihil vetitum: absurdus quippe sensus remouendus est semper, etsi illum verborum sonus inducat. quod Menoch. de arb. q. VII. quæ facta lædunt pietatem, existimationem, verecundiam, & ut generaliter dixerim, quæ contra bonos mores sunt, ea nec fieri

Honestum
naturæ non
solli,

fieri posse credendum est. L. XV. D. de
cond. inst. & hoc est ius commenda-
tum nobis honestatis, quod ab omni
potestatis excellentia censetur seposi-
tum. ut per Bal. in L. quod ex liberta.
C. de op. lib. & per alios alibi verissi-
mè. Atque hîc ego honestatem dico,
quæ non civilis est iuris, sed quæ natu-
ralis est: id est, eam, quæ naturaliter vi-
sa talis est. L. pe. D. de solut. & ego la-
tius scribo ad L. XLII. D. de ve. sig. con-
tra naturalem honestatem erat, quod
Atepomarus Gallus Romanas sibi pro-
stitui matronas exigeret, aut se finem
bello non facturum minitabatur. unde
iustèque deceptum puto. pariter in casu
pari deceptique Sardiæ a Smirneis
iustè. quæ legeris in Plut. lib. de cla-
mu. Ita laudatùmque Chiomazæ Ga-
latæ mulieris facinus, & alterius Thæ-
banz alterum, quæ violatores pudici-
tiæ ipsarum, victores dominos pereme-
runt. & iudicium Alexandri huc acces-
sit. ut apud eundem Plutarcum videris.

ita

ita et in exilium, nemine refragante,
missus Torquatus Valerius, quod cap-
tiuam vitiauit. quod idem auctor in pa-
rallelis. ita captiuarum pudicitiae cu-
ram captis Syracusis curauit M. Mar-
cellus. vt apud Aug. lib. I. de ciu. ita ille
idem Alexander amore captus captiuæ
Roxanes, ducit eam in vxorem, non af-
ficit captiuam contumelia. Arria. lib.
III. Breviter, hoc est ius, quod proxima
commentatione notauit. Vt verò natu-
ralis honestas non tollitur iure victorię,
ita nec ius aliud naturale: quia hoc po-
tentius iure principali: vt inquit Bal. in
c. I. qui se. da. po. itaque quod contra
humanitatem est, id nec princeps, aut
victor iniunget. et iniquissimum, quod
Ægyptius rex Hebræis iniunxit de prole
mascula necanda. Exo. c. I. et lex Athe-
nienfibus iniuncta iniqua, qua nobilif-
simi pueri Cretam a minotauro con-
ficiendi mittebantur. et quæ Cartagine
consuetudo fuit litandi humano san-
guine a Gelone sublata cum laude, qui

G

Cartha-

Humanitatis
iura non tolli.

Carthaginesibus pacem nec dedit pri-
us, quàm mos iste abrogaretur. vt apud
Plut. de se. nu. vi. nec verò prætextus re-
ligionis hîc potest admitti, vbi et ius ho-
minum læditur. Piratica item, quæ
prorsus est contra ius gentium, et hu-
manam societatem; vt legiturque in c.
XV. XIII. q. V. ea victis indici exercen-
da non potest. et si interdici potest iustè:
et iusta bella aduersus eam suscipiun-
tur, a Romanis contra Teucam, Balea-
res, Cilices: vtique ipsam iniungere in-
iustum. Et hæc plura exempla sunt: que
nec sunt omnia excutienda: omnia sunt,
quæ naturalem belli causam præbere
indicauius commentatione prima: vt
propter quæ naturali causa mouente
bellatur, ea victor victis suscipienda non
proponat. nam si recepta tollerentur,
magis recipienda non sunt. Maneat ita-
que hæc definitio, nec contra ius natu-
rale, & rationem eius quid victor im-
ponat. nam & idem Baldus ait, legem
non audere id, quod ratio negat natura-
lis

lis. ad. L. I. D. de vs. ea. re. quæ vsu con-
sum. Et ciuile quoque sit necesse est,
quod est gentium, & naturæ: vt scribit
Cicero lib. III. de off. At verò quæ ci-
uitatum legibus, moribusq; solis stant,
ea mutari pro libitu a victore valent.
Hæc sunt honestaque illa, de quibus
Iustinus martyr in apol. I. & Nepos in
proëmio ait, non eadem esse honesta
omnibus, et turpia, sed omnia maiorum
instituta iudicari. Et verò de scænicis lo-
quitur, qui in Græcia non inhonesti,
Romæ infames censebantur. Non ita-
que Lydis victis iniuste hoc iniunctum
a Cyro, vt abiectis armis vacarent cho-
reis, & comessationibus; & virilem
habitum in molliorem mutarent. in
quibus arcanumque imperij. Herod.
lib. I. Ita arma Hispanis adempta a Ca-
tone, qui nec vitam sine armis cense-
bant tamen. Liu. lib. XXXIII. Fuit au-
tem & mos arma deuictorum creman-
di. Flo. lib. III. Sermonem immuta-
runt Romani victis. quod imperiosum

Ciuilia tolli.

ait quidem Augustinus lib. XIX. de ciu.
sed non est tamen contra naturalem æ-
quitatem: quia nec a natura est, vt hoc
magis, quam illo sermone vtamur.
quod eruditè Tassusque in dialogo de
dignitate. et quoniam sermo diuersus,
vt victus, habitusque, concordiam esse
non patitur; vt probè ait Parthorum
rex Herodiani libro quarto: & contra,
nihil æquè ac morum cognatio con-
cordiam firmat, vt pontifex ille apud
Iosephum lib. IIII. de be. Iud. immo
sanctè ad pacem, si ista impedimenta
tolluntur. Ita & laudatus Alexander,
qui cum alia, tum etiam sermonem
Græcis & barbaris vnum desiderarit.
Sed quid de religione? iubebit ne victor,
eam mutari? Ex religionum certè diuer-
sitate agere in seditionibus prouincias
contestatur expertus Iustinianus in nou.
de proc. Palæst. & ob eandem diuersita-
tem multas inter Ægyptios & Iudæos
fuisse inimicitias, scribit Iosephus lib.
I. con. App. dixerint verò idem multi in
tempora

Religio non
mutari.

tempora hæc nostra intuiti. Ceterum
si religio eius est naturæ, vt compelli ad
eam inuitus nullus debeat c. XXXIII.
XXIII. q. V. & de Christiana disertè in
c. III. de bapt. atque noua illa dicatur, et
inaudita prædicatio, quæ verberibus ex-
igit fidem. c. I. & c. III. dist. XLV. cum
alijs, quæ tradidi commentatione pri-
ma: sequitur, iussum de religione mu-
tanda iustum non esse. Et sunt rationes
istæ generaliores, quàm vt excipere hæ-
resis crimen potuerint Toletani patres
c. V. ea dist. *Et hoc* (ait Tertullianus in
apologetico) *ad irreligiositatis elogium*
concurrit, adimere libertatem religionis, &
interdicere optionem diuinitatis, vt non li-
ceat mihi colere, quem velim, sed cogar co-
lere quem nolim. atque ideo & Aegyptijs per-
missa est tam vanæ superstitionis potestas,
anibus, & bestijs consecrandis, & capite
damnandi, qui aliquem huiusmodi deum oc-
ciderit. Et idem ad Scapulam, quod na-
turalis potestatis est religio, & nec alte-
ri alterius noceat aut prosit. cum sex-

centis alijs. Quod verò de seditionibus narraui, & dissensionibus, id melius explicandum est. Nam Iudæorum gentem, & Ægyptiorum decet intueri: illam tumultuantem semper, & foetentem, vt inquit Ammianus lib. XXII. quæque eadem aliquando ingentem edere per totum potuit terrarum orbem, vt in Traiano recitat Dio: istam contumacissimam, & quæ facinoribus omnibus vincere gentes omnes facile potuit. adi vnum Vopiscum in Saturnino. itaque religionis potentissimum prætextum impotentibus animis inquietissimis facile prætexuerint. quod planè Iosephus lib. II. de be. Iud. & religio eas controuersias non excitauerit verè, nec in præsentia excitet. quicquid Iustinianus olim, quicquid alij hodie dicant: qui Romani antiquioris imperij, & huius recentissimi auctoritate refutantur, & regni Turcici, & aliorum. Quod si illud responderetur, benè vel prætextum hunc tolli seditionum. dixerim ego, ve-

ris occurrendum earum causis: quia
prætextu vno auulso non deficit alter.
Immo verò causa licet sit, non prætex-
tus seditionum religio, quæ imperium
tamen non pertingant; ea inuitis non
est mutanda: quoniam non cum tanta
iniustitia fuerit querenda quies princi-
pi, qui nec recusare huiusmodi potest
onera principatus. compescenda hæc re-
medijs alijs, pænis grauioribus. L. XVI.
in fi. D. de pœ. Quod si illa esset reli-
gio, quæ etiam victoris, & Principis iu-
ra labefactaret, mutari certè potest: ne-
que enim sibi iudicium hîc victor, aut
princeps sumit Dei, sed causæ suæ. Vi-
ctis qui sibi deum lædi putant, si quid-
quam de ipsorum religione mutetur,
quid restet, id etiam exposuimus. arma
non restant. sed nec fas duximus, vt ar-
ma caperent. adde hîc illa Tertulliani in
apologetico, Cui bello non idonei, non
prompti fuissimus etiam impares copijs, qui
tam libenter trucidamur? sed deesset nobis
vis numerorum, & copiarum? sed absit, vt
11
igni

Si vile cum
honesto
pugnet.

igni humano vindicetur diuina secta. Victo-
res & alia statuere in proposito possunt,
quibus victoriam sibi constituent. &
victos sedibus deijcere, & in alias terras
deportare: quæ facta cum Iudæis sæpe,
& cum Liguribus semel, Liu. lib. XL.
At moueo generalem quæstionem hîc,
quando de materia seditionum ferenda
constitui, si vtilitatem magis, vel ho-
nestatem sequi noster debeat victori:
nam & commodius fuerit, si pacatè
viniatur. Id quæro salua iustitia contra
honestatem pro vtilitate. neque tracto,
si aliud ab honesto potest vile esse:
quod Cicero in libris de officijs facit la-
tè; ac negat. verùm hoc ego pinguius
pro iurisperitorum more expono, &
inter illa distinguo, vt distinguitque A-
ristoteles lib. VIII. Polit. & alij, & pul-
crè Innocentius in c. I. de vo. dum in
suo illo tractatu, quid liceat secundùm
æquitatem, quid deceat secundùm ho-
nestatem, quid expediât secundùm vti-
litatem, ad considerandum proponit.

Et

Et in quaestione ista censeo, vtilitati honestatem anteponendam, quæ est notata Innocentio prius. Et ita Collatinum honestiora suadentem probarunt Romani magis, quam Brutum, qui suadebat vtiliora. Diony. lib. V. Liu. lib. II. summum item summorum præceptorum iuris honestas est. imperia nec sunt ad vtilitatem constituta, sed ad salutem communem. L. I. C. de off. præ. præ. Afr. Et hoc sanè honestum definitur ab Aristotele libro secundo rhetoricorum, quod communem vsum respicit: vtile, quod priuatum. Ergo principisque fuerit honestatem sequi magis, quia priuatum usum tyrannus sequitur scilicet. Arist. lib. V. polit. Aptè etiam huc ducetur, quod nostrates tradiderunt, honorem commodo præferendum, vel cum aliqua iniquitate. quod Chass. in catal. par. V. cons. XXVIII. & XXXV. ducatur & regula, quæ ait, Non omne, quod licet, honestū est. L. CXLIII. D. de reg. iur. atque ibi, rationem honesta-

H

tis

tis habendam in primis, docent. Ducatur Ciceronisque sententia nobilis lib. IIII. de rep. nolim, ait, eundem populum imperatorem & portitorem esse terrarum. quod est, non debere portitorum more populum illum consecrari utilitatem, qui principis nomen consecratur. Tandem & ducatur, quod Augustinus docet. c. IX. XXVIII. q. I. et hoc ipsum est, honestatis causa remittendum, & quod licitum, & quod commodum parti foret. honestumque esse hic definit, quod habet usum opportunum: non honestum, quod usum habet non opportunum. ut ipse exemplis explicat. inopportunus sane usus potestatis, qua cæsi Iudei sunt, quod aquilam Romanam ferre supra templi ianuam non potuerint: cum eorum religio nec in territorio toto imaginem ullam rulerit. Iose. lib. antiq. XVIII. c. V. & debe. Iud. lib. II. c. IX. et c. XII. quid dum in adita templi noluit Antiochus penetrare? Hæc nemo non credit, licere victori-

viſtoribus, & commoda eſſe potuiſſe.
idem, & quod Romani haberent in Iu-
dæa cuſtodes, & omnem Iudæum ibi
receptum capitæ plecterent. Iuſt. mar-
tyr in apol. I. ſed honeſtè Romani aliàs,
qui eaq̃ue templi ſepta ſibi intercluſe-
runt. Joſe. lib. VII. de be. Iu. c. IIII. & li-
beram, tutamq̃ religionis exercitionem
dederunt, quæ nihil præterea mali con-
tineret. & tantum voluerit Auguſtus,
tantum Alexander Seuerus, aliq̃ue: vt
apud Philonem leges in oratione ad
Caium, & apud Lampridium, aliòſq̃.
tantum cum Chriſtianis Antoninus,
tantum Marcus voluit: vt in huius epi-
ſtola apud Iuſtinum martyrem legitur.
Et hanc ſanè definitionem puto veriſſi-
ma. quam & Ciceronis firmat diſputa-
tio. & eſt expreſſa pro ea lex vigefima
ſecunda in titulo Digeftorum de iure
ſiſci: vbi quod durum, etſi etiam dignū
& vtile, recuſat diuus Pius: cōtra quam
facere Vlpianus videatur in L. XII. D.
qui & a qui. ſed victori, ne quid dicam

aliud, principem sequi, non iurisconsultum, conuenit. Suscipit tamen limitationem definitio in ea utilitate, quæ spreto periculum nullum salutis habet. nam si periculum adsit vel corporum, vel fortunarum, honestati utilitatem præferemus: *Salus populi suprema lex esto.* Et ita rectè ille, utile anteponendum suadet Iose. lib. III. de be. Iu. & senatores illi, qui insanorum esse dicebant, decoro magis, quàm saluti consulere. Diony. lib. VI. & Lentulus, qui in bellis solam immo utilitatem spectari adferebat apud App. in lib. de be. Pu. nam de utilitate cum salute iuncta loquuntur. Et de his hætenus, quæ victor in vlciscendo potest, dum præterita intuetur. quanquam & multa sunt aptæque futuris; de quibus sequitur disceptatio: quia duas præstare res vltio soleat, iniuriæ solatium, & in reliquum securitatem. vt inquit Seneca lib. I. de cle. Est tamen vltio præteritorum, vnde & Mars vltor dictus: vindicta, siue vindicatio futura dicitur

De pace futura
constituen-
da.

dicatur prohibere: si Cornelio Fronto-
ni credas. Est verò in parte hac, sicut in
altera, victoris arbitrium, quod cuncta
disponit. vnde rex Romanus in pacis
conditionibus definiendis victos secum
disceptare non patitur, sed se totius ar-
bitrum foederis fert. Diony. lib. III. &
vetustum hunc Romanorum morem
testatur Liuius lib. XXVIII. cum quo
foedere nec æquis legibus iungerentur
amicitia, non prius in eo imperium tan-
quam pacatum uti, quàm omnia diui-
na, humanaque dedisset, obsides accep-
ti, arma adempta, præsidia imposita fo-
rent. Et hoc esto constitutum. Sequi-
tur verò ut eam det pacem victor, quæ
esse perpetua valeat. illa siquidem est pa-
cis natura, ut sit perpetua. induciæ sunt
in quotuis annos. *Romanis & Latino-
rum populis pax esto, dum cælum & terra
stationem eandem obtinent: ea pacis for-
mula* Diony. lib. VI. quam & alij v-
surpasse videntur: ut leges in Herodoti
Melpomene. sed ibique leges Barcæos

H 3 decep-

Quæ possit
pax durare.

deceptos a Persis nequiter. Ergo erit victor iniustus, qui pacem nec pacem tribuit; id est eam, quæ durare non queat, non queat pax esse. Sed quæ pacem facere perpetuam possunt? vna sanè occurrit ratio solida, æquitas: quæ seruata in vltione sit. & seruetur modò in vindicatione, et futuri conditionibus edicendis. nam supra meritum læsus concupiscet vindictam: et legibus oppressus durioribus, durabit sub onere tantisper, donec obtemperandi cesset necessitas. quicquid scilicet necessitate fit, non durat, sed citòque soluitur. quod legati Romani aiunt Diony. lib. VIII. et alij alibi, et ipse docet naturalis intellectus, et magistra rerum omnium experientia monstrat. Sic ergo Priuernatum ille legatus, Liuij libro octauo, perpetuam ait suos seruaturos Romanis pacem, si isti æquam dedissent: non aliàs, nisi vires rebellandi desent. Quæ porro hæc sit, quam quærimus, æquitas, cum ex supradictis patet, tum ex facto potius

potiùs videndum fuerit, quàm vt quid
constitui generaliter possit. alia enim
atque alia danda pax est, prout alij victi,
atque alij, alij atque alij victores erunt.
idem & de accessionibus, quæ comita-
ri personas solent: & ipsæ non minus
considerari ac personæ consueuerunt.
At omnia tamen referri posse videntur
ad communem vtilitatem, quam verè
vinculum maximum ait Annibal, Liu.
lib. XXXVI. & Demosthenes in oratio-
ne ad Phi. ep. quamque pacis finem
nos diximus. Si quid extra induci solet,
quo pax firmetur, id infirmius video
vinculum, quàm vt malè materiata ob-
ligari, & contineri amicitia possit. re-
ceptum scilicet omnibus est, præsentibus
occasionibus aptare debere se, &
prudenti adulatione sequi inconstanti-
am rerum: quia omnium deliberatio-
num auctor potentissimus commo-
dum. itaque fœdera inire noua, relin-
quere priora, omni modo augere impe-
rium, & potentiam volunt. occasio-
nem

nem valere satis, & sine iustitia conficere quod expediat, dixit Hyperides in orat. de foed. Alex. & nullus est, qui non probet. Age, quid adfinitas? firmum hîc vinculum dicitur Herodia. lib. I. Cassiod. lib. V. ep. XLIII. sed nemo nescit tamen, rem sæpe aliter cadere. atque ego multa facile comportarim exempla. nec verò quod est debilius, constringet appetitum regnandi vehemensissimum, & libertatis: propter quem rupta hæc toties fœdera adfinitatis, & Seneca scribit lib. VI. de benef. Quid iuramenta? & hæc ad fœdera adhiberi fancienda, solum audimus Herodoti libro primo, & in Decretis c. I. XXII. q. I. verè tamen in sententiam nostram Augustus, Quæ sponte fiunt, ea etiam citra iurisiuradi vinculum observantur: at quæ fiunt ingratis, non si millies iuratum sit, præstantur. Dio. lib. LIII. & sunt semper exceptiones vulgares paratæ, quibus iuramenti cuiuslibet eleventur vires. sed quid prosequimur singula

gula? sapienter nostri in vniuersum docuerunt, cautionem omnem fragilem esse. L. LXVI. D. ad Treb. L. XIX. D. comm. L. XXXI. D. de act. em. cum cæteris huius generis pluribus. certumque, & exploratum illud est, cogi in obsequium voluntatem non posse. vt apud Dionem benè legitur lib. XLVIII. & LV. et semper verum, quod scribit Tacitus, in victores victosq; nunquam solidam coalescere fidem. lib. XVIII. adeoque manere inter illos bellum æternum, quia timeantur potentiores, & laborent inuidia: vt ait Cæsar Dionis lib. XXXVIII. apud quem sapientissimum scriptorem libro sequenti, dictumque, res duas istas, timorem et inuidiam esse, quæ amicitias dissoluant et eas etiam esse inter pares. Itaque vel supra dicta æquitas, et vtilitas communis cõsectanda est, vel ad alterum quasi extremum abeundum, salubréque (ita in c. I. de poenit.) remedium veniendum, vt quando voluntas auferri mala non potest,

I

test,

test, faciendi malè facultas auferatur. Et non hæc facultas ex præfenti est tempore metienda, sed et ex futuro, eoque longinquo. vt censet rectè Demosthenes in oratione pro Megapolitis. Ea fragilitatis conscientia, vnà et poenæ timor duo illa sunt, ex quibus omnia ferè iura humanitatis oriuntur, quibus inter nos coheremus, vt præclare Lactantius. c. IIII. de opif. Dei. Atque hîc si sibi cauet victor, ne quid voluntati deuictorum relinquar, accusari non potest iuste, quia et inanis timor probetur in eo, quod ab aliena voluntate pendet. vt accurate Angelus ad L. quia poterat. D. ad Treb. spem scilicet tenuem, et obscuram præbent hæc, quæ in aliorum sunt potestate. Ergo præsidia imponet victor, quæ humiles scilicet, et maxime subiectos reddere victos solent. vt Cyprianus cum Babylonijs censuit, Xenophon. VII. et alij passim Obsides exiguntur, et hi, qui chariores sunt victo, siue hi viri sunt, siue foeminae. namq; foeminae da-
te

te regi Porſenæ; exacta ab Auguſto, qui
negligi mariū pignora ſentiebat. vt Sue-
tonius ſcribit. ſed chariores tamen eos
putem magis, qui libertati adſerendæ;
& regno ſunt aptiores. nam ius hoc reg-
ni, & libertatis quauis charitate poten-
tius. quod ſanè vidimus & in Franciſco
primo Galliarum, qui optione accepta,
an filios obſides, vel nobiles quosdam
duces Carolo Cæſari traderet, filios ma-
luit. Verùm ad politici fines accedimus
huiusmodi tractatione, & a noſtris diſ-
cedimus. Ergo diſceptationem iſtam
ita concludo, licere victori, iure natu-
ræ ſaluo, omnia facere, quæ ſtabilem ſi-
bi victoriam, & iuſtam firmare parti
vtrique valeant pacem. Et prior abſo-
luta pars eſt commentationis totius de
pace, quam victis victores imponunt.
Altera erat pars de bello componendo
ab vtroque belligerante. Sed quid de iure
hoc conueniendi dicemus, ſi volun-
tatis ſunt omnes conuentiones? illud
ſcilicet, quod vbique obtinet, agendum

De iure con-
ueniendi.

ita, vt perpetua pacis conuentio esse possit. quod probè Tullus in conueniendo cum Albano duce monebat, non tam cogitandum de sancienda in præsens amicitia, quàm ne relinqueretur in posterum vlla renouandi belli materia.

Ducllum. Diony. lib. III. At commodum sanè cadit Tulli mentio hîc, & tractatus eius, quem de pace ineunda cum Albano habuit. rex enim Romanus conditionem proponebat, vt duces ipsi populorum certamine dimicarent singulari de imperio, quod vtrique quærebatur: & ita finis bello imponeretur. An iusta hæc finiendi belli conditio? Non huc adfero nostrorum interpretum disputationem, qua & determinare videntur, reprobatum iure duellum esse, in quo soleat sæpe & is succumbere scilicet, cuius caussa erat iusta tamen. nam maius malum vt vitetur, & ad reipublicæ salutem iustum & illi volunt. vt per Dec. cons. CDLXXXVII. In quaestione, vbi & Molinæus. Atque ea etiam

etiam spectat disputatio ciuiles, non
controuersias bellicas. in bellis quippe
certamina singularia passim. Et ita fi-
nitum bellum illud inter Romanos, &
Albanos ternorum certamine: bino-
rum inter Ætolos, & Eleos. Paul. lib.
V. ita ad finiendum a trigenis Lacæde-
monijs, et Argiuis certatum olim, re-
fert Herodotus in Clione. & quæstio-
nem subortam narrat de victoria tamē,
quod nox cum prælium diremisset, &
duo superessent Argiui, Lacon vnus: il-
li victoriam suam pro maiori supersti-
tium numero dicebant: Lacones sibi
vindicanbant, quoniam suus, hostibus
abeuntibus, et admanfisset, et spolia col-
legisset. Atque Lacones mihi vera lo-
cuti videntur, quoniam qui locum re-
tinet pugnae, is victor credatur. quod si
vtrinque disceditur, tum vnus, qui ce-
ciderit amplius ab vna parte ostendere
hanc victam potest. vt apud Liuium est
exemplum. Et hæc tamen sic accipias,
nisi vna pars suorum cadauera repetat

ad sepulturam: nam est receptum consuetudine, vt hæc etiam victa censeatur. Plut. in Nic. et in Lys. et Iust. lib. V. At redeo ad quæstionem. Recusare principes conditionem posse videntur, vt ipsi pugnent: quia ducis nõ sit, militis mortem obire, quæ hæc foret. vt Plutarcus pro Metello notat, qui propositam a Sertorio cõditionem refugit. Augustus, prouocatus ab Antonio, respondit, paterere huic multas ad mortem vias. Plut. in Anto. Sed et Albanus respondebat Tullo, periculosam huiusmodi aleam, nec decoram satis aut victis, aut victoribus esse: sed nec subeundam quoties nõ reges sibi potentiam quærent, verum ciuitates ipsæ de principatu contenderent. Diony. lib. III. Et istam ego partem magis probo. ita indictum certamen inter Franciscum Galliarum et Carolum Cæsarem pro controuersijs personalibus. ita pro regno factum idem inter Alfonsum, et Renatum. Coll. lib. VI. et pro regno item inter reges illos.
de

de quibus tradit Pausania in Atticis. Et
hæc erit de regno legitima pugna, non
vt regno legem imponat, nisi populus
assenſus eſt; vel is populus eſt, quem al-
teri ſubijcere rex pro arbitrio poſſit: ſed
vt ſuum ius regis adſerat contra alium,
aut amittat, & transferat in victorem.
Neque enim quidlibet rex quilibet po-
teſt. ecquid enim rex hoſtium potitus? Princeps cap-
tius.
hunc pacem conſtituere non poſſe ait
Decius, quia in metu verſetur. & inſu-
per addit, pacem initam nec obligare
vel ratam habitam a reuerſo in regnū,
ſi obſes aliquis relictus, pro quo ſolici-
tus rex magis ſit, quàm pro ſe fuerit. ita
conſ. CCXIX. quia promiſſis metu non
ſtandum. et de ciuitate iurante, coacta
metu, idem conſ. DCXC. Viſis. Cete-
rùm hæc ego nō ſum ſecutus alia com-
mentatione. Ad regem captiuum quod
attinet, id verum puto, ſubditos ei ob-
temperare, non eſſe neceſſe. & ita Alfon-
ſus ait captiuus. Coll. lib. VI. & Scoti
perſpicuè, ſe ei non parituros, qui in ali-
ena

Obsidum da-
tio.

ena potestate esset. Bucc. lib. X. & de re-
gibus Galliarum Ioanne, & Francisco
alij adnotarunt. De obsidibus hic qua-
ritur, an ipsorum datione qui dimittit-
tur princeps ita liberetur, ut si non prae-
stet, quod est pollicitus, violatae fidei
reus sit & non putat Bodinus reum lib.
V. de rep. c. VI. quia obsides fideiussor-
es sint. ut luan ipsi, si à pactis discedi-
tur. item quia ab hostibus captiui tam-
etsi fidem dederint, nulla obligantur
poena perituri, si vinculis aut carceribus
retinentur, & fugerint. L. nihil interest.
D. de capt. L. I. §. non fuit. D. de do.
At ista mihi definitio non probatur.
nam etsi iniquum censeatur poena solu-
ta rem petere. L. IIII. D. de do. exc. hic
tamen, ubi publicae disciplinae rigor
vertitur, utique nec tolletur hoc modo,
quod civiliter debebatur. L. IX. D. de
publica. & non est par ratio fideiussor-
um pignorumque, & obsidum: quo-
niam illi idem praestant, quod reus prae-
stare tenetur; itaque si minus praestant,
reus

reus in reliquo obligatus manet: hi tale
nihil. Sed nec similis est casus captiuo-
rum: quia hic rex dimissus, cui & cre-
ditum est: aut si creditum non est, quod
obsides reliquerit, sanè nec ijs creditum
dicitur, quibus creditum sub pignore,
sub fideiussoribus est: quod absurdis-
simum est dicere. captiuis autem illis
creditum omnino non est: itaque nec
fallunt, & nec dolum malum admit-
tunt. at verò si captiuis creditum sit, hi
nec fallent iustè. & iniustissimi sunt
Graeci quidam, si verum est, quod nar-
ratur, qui iussi a regina liberi esse, & ex
Hibernia in Angliam venire, vnde in
suas terras discederent, ipsi nautas na-
uèmq; abduxerunt, & tetriora forsitan
perpetrarunt. hos hostis, aut quisquis
alius remittere tenetur: nam itaq; Ro-
mani Cloeliam, & Annibalis captiuum
remiserunt. Liu. lib. XXXII. & ius
postliminij huiusmodi denegarent, qui
pacis commercia, & belli iura violant.
veriorque illa sententia est, teneri prin-
cipes

Contractus
pacis bonæ fi-
dei.

cipes principibus mutuò dedere delin-
quentes : quia & magistratus magistra-
tibus tenentur. L. VII. D. de cust. re. L.
VII. C. de def. ci. L. VII. §. ult. D. de ac-
cus. aut si principes principibus non te-
nentur, quid erit contra ius gentium, si
hoc non est, alienos homines suscipere?
suos nequiter agentes suscipere? scilicet
alyli ius non Romæ aliàs apertum, sed
vbique semper est, fuitque. & bella cur
gesta toties ob priuatorum iniurias,
quibus satisfactum publicè non est? At
pergamus porrò. In reliqua disputatio-
ne ista, qua de pace agimus incunda, id
nobis agendum restat, vt videamus isti-
us contractus naturam. nam quid de-
duci in eum oporteat, hoc ipsi viderint
contrahentes. & est verò politici mune-
ris id, non iurisconsulti. videbimus ta-
men quædam, quæ deduci consueve-
runt, vt ex quibus iustam huius con-
tractus interpretandi rationem indice-
mus. Et contractus omnes cum princi-
pibus, cum rebus publicis esse bonæ fi-
dei,

dei, receptissimum est. Dec. conf. III. & conf. CLXXXVII. Chass. in cata. par. V. confid. XXIII. vt de hoc nostro fœderis minus sit dubitandum; quod a fide quidam ducunt. Isido. lib. XVIII. vt feudum. & in quo bonam fidem summum tenere locum, disertè, et sanctè Petrus Medices dixit, Guicc. lib. I. Atq; in eiusmodi contractibus non admitti disputationes subtiliores, de quæ apicibus iuris, quæ æqui & boni ratione prætermissa res examinare ad viuum solent. adi L. XXIX. D. ma. & L. XXXI. D. depo. Conuenit ergo, vt pars vtraque simplicitatem, integritatemque seruet, quam sibi ab altera seruari velit, quod Iustinianusque ed. VII. & quales isti esse debent contrahentes, tales & sint: quia & tales scilicet præsumuntur, vt de Baldo scribit Decius conf. XCVII. Cum itaque fraudes omnes in contrahendo abesse, tum exceptiones subtilis iuris cessare omnes ad contractum debent: ex quibus tantum locum habere, quæ

principem prorsus deceant. Metus exceptio non decet principem. non admittitur in hoc negotio. Fraudis exceptio admittetur, quia fraude uti in contrahendo non oportuit. Etenim non sunt in conueniendo hostes, sed pacis negotium agunt. ut nihil hinc L. I. D. de dol. & est scedior etiam fraus, quam vis aperta, quoniam iure potentia hæc, fraus autem insidijs iusti propositi grassatur. ut rectè apud Thucid. lib. I. & III. Erroris etiam exceptio admitti debet, si verum est, nihil eum agere, qui errat. L. CXVI. in fi. D. de reg. iu. & demens sit, qui fidem præstat errori, ut scribit Seneca lib. III. de bene. Item & excipitur probè de rerum statu immutato, si prævideri immutatio nequijt: quia subintelligi iuramento quoque adiecto soleat clausula, Rebus sic stantibus, ut traditum a nostratibus est, & a Crauetta cons. XXVII. tunc fidem fallam, inquit Seneca, tunc inconstantie crimen audiam, si cum omnia eadem sint, quæ erant promit-

promittente me, non præsitero promissum.
alioqui quicquid mutatur, libertatem facit
de integro consulendi, & meam fidem liberat.
Generaliter verò illæ omnes exceptio-
nes admittentur, quæ pactum initum
contra naturalem rationem infringere-
rent. nam in malis promissis fidem ser-
uare non oportet. c. LXIX. de reg. iu. in
VI. & minus malum de duobus eligen-
dum est. dist. XIII. Atque hæc satis. Illa
autem translaticia in isto contractu, vt
de legibus, consuetudinibus, libertate,
agris, locis, ædificijs, amicitijs, armis,
exercitibus, classibus, arcibus, præfidijs,
alijs huiusmodi rebus caueatur. quæ
pleraque notat omnia, sed & alia Sigo-
nius lib. I. de ant. iu. lra. c. I. De legibus
caueri olim solitum, vt quisque viueret
suis. quod æquum foedus erat. & si
comprehensum fuisset, vt alter alterius
maiestatem comiter conseruaret: tum
de libertate nihil, de æqualitate multum
minuebatur. L. VII. D. de capt. & Si-
gonius latius explicauit. Hoc ego pacto

De quibus ca-
uetur in foede-
ribus.

De legibus, et
libertate.

non putem ea comprehensa, quæ natu-
ralem laderent rationem: propter quam
laxam & bella suscipi, & a pactis abire,
licitum adseruimus. Ad leges quæstio
est & de priuilegijs, si quid datum in
priuilegium est, num pro arbitrio dātis
recipi possit. Et Galliarum rex ita credi-
dit, qui omnia vt priuilegia Genuensi-
bus reliquit, pacta esse noluit, vt in sua
potestate foret, ea reuocare. Guicc. lib.
VII. Hispanus modò cum Lusitanis
pacisci recusauit, at ipsis priuilegia vltro-
que obtulit. sed censebat hoc esse prin-
cipis munus, cum subditis non pacisci.
Romani id addere priuilegijs soliti, His
fruerentur, quibus dabant, quamdiu
populus Romanus voluerit. animad-
uertendum est tamen, ne pretio datum
priuilegium sit. nam reuocari eo casu
non poterit: quia contractus est. Dec.
conf. DCIII. idem si alia ratione pars
contractus est. De agris, locis, ædificijs
illud aio, manere hæc in potestate eius,
qui tenet, nisi cautum de ipsis est aliter.

De agris, &
postliminio.

et ita tides Darium Alexander in pacis
condicionibus concedentem ea, quæ
tum tenebat. ita indignatus Annibal,
vænalem fuisse agrum Romæ, cui cum
exercitu infidebat. nam hæc capta, pede
calcata, & adqûisita. nec redeunt in pri-
stinum dominium nisi expulsis hosti-
bus. L. XX. D. de capt. et pari ratione
nisi conuentum de captiuis, & alijs re-
bus sit, manent omnia in potestate ho-
stium. L. XII. eo. vbi cum Fabro nihil
mutes in *id.* neque enim refugere licet
in pace. L. XXVIII. nisi si quis non a
iusto hoste, sed ab externo captus est. L.
V. aut captus, qui in pace ad alteros per-
uenit, & bellum subito exarsit. L. XII.
& licet populi Romani virtuti hoc ad-
scribatur, vt in pace nō sit admissū post-
liminium: est tamen ratio communis,
quod quæ bello quæsitæ sunt, ea absque
iusto alio titulo non possint eripi. nec is
titulus in pace hîc est. Alibi, vbi postli-
minium denegatur, non gentiū, sed ciui-
tatis ius spectatur. ita denegatur trāsfu-
gis.

gis. L. XIX. quos tamen recipimus iurebelli. L. LI. D. de adq. re. do. ita naves quædam, arma, vestes non recuperantur prioribus dominis. L. II. et III. D. de capt. in quo differunt mobilia hæc ab immobilibus. d. L. XX. nam immobilia etiam sine culpa amittuntur, cum in tutum portari nequeant. At verò Iustiniani pragmatica restituuntur arma prioribus dominis. et generaliter omnia iure canonum. c. prima. XVI. q. III. & c. I. XXXIII. q. I. sed secundum primum ius, ad rem, quam moneo, idem de his, qui victi se dedunt, ut postliminio careant. L. XVII. D. de capt. quod prestantissimè explicatum de Homero: qui barbaros dedentes se facit, Grecos se dedentes facit numquã: ut Plutarchus observat in lib. de aud. pœ. Et Nicias itaque nomen monumentis quibusdam non inscriptum, quia ille se dediderit hosti. adi Paul. in Anti creditum verò victores etiam eos esse, qui in acie cecidissent quod Demost.

most. in ora. fun. Ergo mori barbari-
coinfensibilisimique Romani: vt admi-
biliter in captis ad Cannas ostenderunt.
Idem et de his, qui non dedunt se victi,
sed deduntur, hostibus vt satisfiat, qui-
bus illi obstricti sint. qua in re tamen
iactata quæstio. L. III. co. L. vlt. D. de
lega. et Cic. in Top. Sed de his haec tenus.

De amicitia,
& societate.

Amicitia si contrahitur; aut conueni-
tur, ne contrahatur cum alijs: hoc ego
nomine non leue quiddam significari
declaro ad L. CCXXIII. D. de ve. sig. et
ministeria quædam deberi, significatur
palam foedere a Romanis contracto
cum Lacædemonijs; vt est apud Stra-
lib. VIII. Itaque non sequor Bodinum,
qui auxilia nulla deberi censet lib. V. de
rep. c. vlt. qui & perpetuo Romano-
rum iudicio refutatur, cogitantium ne-
cessaria sibi pro amicis bella; & quia,
quid aliàs tribuat istud nomen non ap-
paret, si auxilia non tribuit. nisi scilicet
aut cum externis ea contracta fuisset; id
est cum his, qui natura quasi hostes ha-
beantur,

bebantur, aut cum his, quibus cum bellum gerebamus: nam cum illis restituta naturæ vera amicitia, cum istis ipsa, quæ ante bellum communis erat, nihil præterea videbitur. non enim si intercesserat amicitia aliqua priuata, hæc restituta credetur communi verbo, quæ dissoluta per bellum fuerat. Si societas præterea iuncta sit, tum non dubium deberi auxilia: aut quid venit in communionem? & quis socio non auxiliatur? solent principes tamen disertæque de quibusdam pacisci. & id est cautius, adque summam auxiliorum cognoscendam. Sed quid si cum pluribus contracta amicitia est, & illi inuicem bellum gerant? auxilium priori foederato ferendum scribunt, nisi quod arctius foedus proponitur, aut posterior non in amicitia modò, sed & in ditione sit. et hoc ego vltimum probo, & factum Romanorum, qui contra Samnites socios veteres pro Campanis nouis, deditiisque bellum suscipiunt. ac ratio est expedi-

expedita, quòd se, suaque adserere con-
tra socios, & alios quosque licet. nec re-
prehendas Romanos, qui Campanos
in ditionem susceperint, iam iam a
Samnitibus subigendos, bello certè
grauissimo pressos: nam Samnitibus
tamè nec tantum quæsitum iuris, quã-
tum ei, qui feram bestiam ita vulnera-
uerit, vt capere possit; cuique nullum
est. L. V. D. de adq. re. do. De primo au-
tem dubito. nam si vtrique auxilia de-
bentur; nec tempus facit quidquam;
quia inter creditores personales nullum
est temporis priuilegium. L. VII. D.
depo. L. XIX. D. de rei iud. Dy. in c. qui
prior. de reg. iu. in VI. nec scædus arcti-
us, quia res inter alios acta nemini
damno esse potest. Quid ergo? vtrique
auxilia præstabuntur? vtrique, si illi in-
uicem non bellum gererent. scilicet et
recipiant auxilia diuisionem. quod &
cum alijs sit creditoribus. etiam duo-
rum ligius alteri seruit per substitutum.
§. firmiter. de pro. al. fe. per Frid. et a-

De armis, et
classibus.

puđ Cuiā. lib. III. Feud. tit. XCIX.
quod si illi inuicem bellū gerant, impe-
dient hīc se mutuo; nam auxiliaris suas
inuicem committere copias, suos ciues
non debet. si auxilia forent alterius ge-
neris, tum vtrique afferentur. Hæ soli-
dæ definitiones: quicquid statuant di-
uersum noſtrates. At iam de armis, ex-
ercitiis, classibus. Armorum nomen
latissimum est, vt expono ad L. XLI. D.
de ve. si. sed in armorum hoc nostro iu-
dicio de legitimis bellorum capimus:
quæ qualia sint, ibidem explicamus;
de his igitur cautum existimabimus, si
quid de armis exprimitur in conuenti-
one pacis: puta, ne armorum apparatus
fiat: ne arma ad hostes deferantur. Ex-
ercitum verò quomodo definiemus?
numquid numerum mille hominum?
L. I. D. de test. mil. alibi legio exerci-
tus: duæ legiones alibi, & auxilia. sed
hæc incerta sunt. ex officijs ergo, signis,
maioribus tormentis, & machinis cog-
nosci res ista melius potest. nam habentur

tur in exercitu, non alibi. Classem quoque certo numero nauium determinare, ineptum sit: qualitate nauium, aptum. Hyperides violatum fœdus dicebat, quod vel vna triremi in Piræum Macedones appulissent. scilicet vt classem non faciat nauis vna, lex tamen pacis in vna non minus potest intelligi, quam in homine vno quod interdictum proponitur de coactis hominibus armatis. de quo Cic. in ora. pro Cæc. & Vlp. in L. I. §. IX. D. de vi & vi arm. nec enim callidè verbis controuersias, sed æquitate dijudicamus: & iura non litteris exprimimus, sed vtilitate communi. Hic notandum est & illud, quod Argiui cum Athæniensibus olim exposcunt, vt quando in fœderibus scriptum esset, ne vtri per ea loca, quæ suæ ditionis essent sinerent hostem transire, Athænienses suo mare permissent transire Spartanos hostes. Thucid. lib. V. probè: quoniam mare adiacens pars ditionis. vt nuper definitumque est in se-

De arcibus, &
præfidijs.

natu Pedemontano. ne quid dicam de
Venetis, alijsque, qui maria integra sibi
vindicarunt. contra Venetos quærela
similis regis Galliarum quærelæ Argi-
vorum. Guicc. lib. V. Sequitur de arci-
bus, & præfidijs. Atque Romanorum
imperatorem inter, & regem Persam
conuentum, ne arces in finibus ædifi-
carentur. Procop. lib. I. de be. Pers. nam
sunt ista castra militaria: quo & appel-
lantur nomine, vt Scipius meus in Ori-
ginibus obseruauit. itaque citra vllum
etiam pactum, iustitiæ fuerit istiusmo-
di nihil facere: quia castra admouere a-
lienis quasi foribus non iustum, etsi in
suo. Idem & de præfidijs. sed de præfi-
dijs quid est, quod ait Polybius libro se-
cundo, dimitti ipsa incolumia a victo-
re hostes Et est fortè ratio, quod hi ho-
stes non sunt, etsi hostibus inseruiant,
& opem ferant: nobis æquè ac hostibus
prompti, pecunia conducti. aut anti-
quæ illius simplicitatis id esse dicamus:
quam Ital:q; tenentes auorum nostro-
rum

rum memoria nouum censuerūt, quod
Galli præsidiarios istos ad quoddam
Florentini imperij castellum, & aliud
Piscaurij cæcidissent, Guice. lib. I. Ergo
hoc hodieus non seruatur: nisi si quid
priuilegij Germani habent. Et itaque
pacisci conditiones solitum. Exire iussi
cum vestibus quidam, exeunt armis in-
structi omnibus, quæ militibus vestes
adserebant. sed ea cauillatio. Plut. de
cla. mu. et vestes alia sunt. L. XXIII. et
L. XXV. D. de au. & arg. leg. vbi tamen
& numerantur, quæ sermone, quo uti-
mur, hodie non continerentur, tapeta,
tegimenta subselliorum, culcitæ, pel-
les: de quibusque pro Vlpiano dixi con-
tra Cuiacium ad L. XLV. D. de ve. fi.
Exire iussæ mulieres, & asportare secum,
quod possent, aliæ viros, aliæ filios, a-
liæ parentes, aliæ fratres humeris vehunt.
pia fraus. Tarc. lib. XII. nam quæ ani-
malia sunt, ducuntur, aguntur, non
portantur. L. CCXXXV. D. de ve. fi.
Hæc, aliæque disponi solent pactionibus
foede-

De successori-
bus.

foederum, & pacis. sed de his exempli
caussa breuissimè egisse satis. Foedere
inito quæri hoc in primis consuevit, si
successores, de quibus nihil est expres-
sum, contineantur, & obligentur. Et
hæc quis putet, quia heredem censeriq;
nominatum, vel si pro se tantum polli-
ceantur contrahentes, notum sit: & id
genus reliqua vulgaria. sed hoc tamen
in articulo distinguendum est, an trans-
actum solum de bello sit, an etiam ami-
citia, societas contracta. & priori casu
successores obligati penitus censeantur:
nam eorum, qui transigerunt, id iuris
erat: & iniuriarum transactio censetur
in perpetuum facta: quod Alc. de præf.
reg. II. in fi. Casu posteriori videtur, ad
successores ius societatis non transire,
quia itaque in priuatorum societatibus
definitum est, ne ex transeant ad succes-
sores. & ratio communis nostræque ar-
gumento, quoniam personæ qualitas
consideratur in societate contrahenda,
& illa in successores non transit. & ita
sanè

sanè ius amicitiae, et societatis tributum
a Romanis saepe, in successorem eius,
cui tributum fuerat, non transibat.
Quinimmo definitum inter priuatos
est, vt societas ad successores non perti-
neat, etiam si de ipsis id cautum, vt per-
tineret, & conuentum fuisset. L. XXXV.
D. pro soc. Sed id in proposito nostro
non cenleo: namque in societate vecti-
galium, & vbi utilitas, ac negotium
publici agitur, obligari hoc modo suc-
cessores, receptum est, & adserit Dec.
cons. CCXIII. Visis. Immo si de po-
pulis agitur, successores semper conti-
nebuntur: quoniam isti iidem semper.
principes mortales, aeternae respublicae.
Tiberius apud Tac. lib. III. Et ita fœ-
dera Romanis cōtracta cum Latinis vt
perpetua essent, cum Pœnis, cum alijs.
aut numquid dicemus ineptos con-
tractus initos? indicat Demosthenesq;
ius istud, dum ait Phi. II. etiam poste-
ros implicastis pace, &c. Non ergo fœ-
dera ista soluentur nisi morte (mortua
M Cartago

Carthago aratrum passa) foederati populi, vel si forma etiam reipublicæ immutetur. Sic Sabini, solutos se foedere cum Tarquinio icto, dicunt, Tarquinio pulso, monarchia sublata. Fidenates qui idem aiunt, mortuo Romulo: Latini, qui mortuo Tullo, & item Anco mortuo: Hetrusci, qui defuncto Prisco: Sabini, qui sublato Seruio, foederibus se non teneri, contendunt, quæ cum illis regibus icerunt, malè agunt. nisi Sabinos & hinc defendimus, quia, ut ipsique narrabant, non rex Superbus successor Seruij, sed tyrannus: se autem cum rege prædecessore foedus percussisse. quod Diony. lib. III. qui & reliqua lib. III. & V. & licet non laboretur, ne quis eorum, qui communibus foederibus continentur, iniustus sit, sed hoc tantum, ne alteri ab altero iniuria inferatur. quod Arist. lib. III. politic. tamen hinc dicitur, non eundem esse tyrannum & regem. nam ut subtiliter non sit ista reipublicæ mutatio: tanta est alteratio
tamen

tamen, vt nec nomen maneat, nec eadem dici respublica possit. toto tit. Dig. de exc. re. iu. et si a nostrorum legislatorum, & presenti argumento non discimus, omnia pro vtilitate communi pinguius metiemur: & erit in prono deinceps mutationemque admittere. illud est certissimum, quod cum non idem facere, & pati apta sit persona tyranni, quod apta persona est regis, ille huius vicem non subibit. s. sin vero talis. C. de cad. toll. Verum proque Fidenatibus, Latinis, Hetruscis dixerit quis, foederibus in casu supradicto nō degere obligatos, quia nec illi reges successores ex aduerso obligarentur: vt de Baldo, & Iasone tradit Bodinus lib. V. de rep. c. vlt. & negat Romanis Perseus, teneri se patris conuentionibus, Liu. lib. XLII. at æqualitatem seruandam ipse scripsi in proposito altera commentatione. Sed etsi non obligentur principes successores, eos tamen decere, contractibus precessorum stare, dubium non est: vt per

Dec. cons. CLXV. Vifo. & tu videris
c. ult. de rescr. in VI. & c. XV. XXV. q.
I. Sed successoribus prorsusque stare pre-
cessorum principum obligationes, de-
finitum est, si regni nomine percussum
est foedus. c. III. de sent. & re iu. in VI.
item si contractus sint ex natura, & cō-
suetudine principatus, vt isti sunt, de
quibus nos loquimur. quod Bal. ad L.
I. D. de const. pri. Immo verò & omni-
bus stare contractibus successores oport-
tere, si non electione, at successione ve-
niunt, idem tradit in L. ex hoc iure. D.
de iu. et iu. atque alij alibi, & Caratius in
tract. de prin. vers. CXXVII. & hic de
eodem Baldo, priuari regno principem
posse, patris non seruantem testamen-
tum. vers. CCV. Stabunt, vt diximus,
si cautum & de successoribus ipsis est.
quid enim erit foedere comprehensum,
quod non possit & a successoribus pra-
stari? quod si quid id est, tum, vt nec
uestigialium transit societas. Bar. in L.
adeo. D. pro soc. Atque hæc ita sunt.
pro-

probandum tamen est, quod fieri con-
suevit, vt foedera cum successoribus re-
nouentur. Illa autem de foederis reno-
uatione quaestio incurrit, si tacite reno-
uatum censeretur. & in societate pri-
uatorum certum est, eam renouari taci-
te, quae fuerit dissoluta: & renouari
talem prorsus, qualis fuit. renouari por-
ro his actionibus, quae admitti citra no-
men, et ius nequeunt societatis. vt ab
alijs acceptum probat Decius conf.
DXLVIII. Visa. in foedere tamen duas
inter inito ciuitates ad certum tempus,
renouatione negat: et autores hic quo-
que laudat idem Decius; conf. CDVII.
Visis: Mihi, quae sententia est de socie-
te, ea et hic placet magis: quoniam nec
video hanc rationem diuersam: nec De-
cius quid habet, quod urgeat: et loquor,
quando foedus finitum esset: nam si de
eo quaerimus, quo successores teneri de-
finiuimus, utique non dubitandum,
quin renouatum sit. Idem facile asere-
mus in casu, quo morte vnius socij so-

Foedus si taci-
te renouetur,

Singuli an
comprehensi,

cietatem reliquorum quoque dissolui,
traditum est, si reliqui in foedere per-
gant tacite. Ast de successoribus a-
bundè. Est ve. ò altera quæstio a foede-
re inito, si non vniuersitas sola, at singu-
li quoque vniuersitatis foedere compre-
henfi censentur, quum de singulis dictū
non est. et si priuati quid faciunt aduer-
sus publicum, foedusque, hoc non te-
merari, certum puto: et scripsi commen-
tatione secunda. et ita foecialis Roma-
nus, *Si defexit publico consilio*, &c. Liu.
lib. I. & ita Decius cons. LXI. quod si
Veneti promittant, aliquid non facere,
promissio intelligatur, ne faciant vni-
uersi. quia dispositio, quæ plures vt vni-
uersitatem respicit, non habet in eis lo-
cum vt singulis. & verò sicut singuli
non querunt vniuersitati, etsi plures quid
faciant, vt idem docet cons. CCXXI. pa-
riter nec nocere debent. Sin autem res-
publica facit aliquid contra priuatos, te-
merari foedus opinor. ratioque diuersi
iuris est, quòd singuli nocere vniuersita-

ti non debent: quin verò non ipsa sibi no-
 ceat vniuersitas, vel priuatos lædendo, ius
 non est, aut quid obstat, quominus car-
 pendo singulos vniuersi tollantur? Et hæc
 vt certa sint, quæri tamē illud potest, quod
 sit factum publicum. nam Polybius pub-
 licam a priuata iniuria distinguit magni-
 tudine, & multitudine. lib. IIII. Hyperides
 contra, re parua, triremi vna publicum
 factum censuit: quem nos secuti sumus.
 Ergo publicum factum, quod publico
 factum consilio. vt expressitque Roma-
 nus, qui de Annibalis facto in senatu ro-
 gavit Cartaginensi. quid porro publico
 dicatur consilio factum, id nostrates op-
 timè docuerunt ad L. omnes populi. D.
 de iu. & iu. & tit. IIII. lib. III. eiudem o-
 peris, & alibi. Item quæri et de eo potest, si
 tamen vniuersitas facto priuatorum irre-
 tiatur, quando illud ipsa factum negligit
 emendare. et non dubito, irretiri. et hoc
 in casu Annibalis vidimus. & ita Messe-
 nijs illatum a Lacædemonijs bellum ob
 interfectorem Lacædemoniorū non de-
 ditum. Paus. lib. IIII. hæc belli causa Eleos
 inter

Publicum
factum.

Si vniuersitas
negligit factū
priuatum.

inter et Lacædemonios, quòd Lacædemo-
 nius ab Eleis habitus malè. idem lib. IIII.
 hæc Romanis caussa belli cum Teuca.
 hæc sexcenta. Et si hîc represaliaz indicun-
 tur, & bella: quanto magis læsum foedus
 existimabitur? Nec verò si expressè neget
 vniuersitas læsis satisfacere, sed et si longo
 tempore ferat, iniuriam fieri, foedus pub-
 licum lædetur. vt hanc definitionem habet
 disertè noster Decius conf. CDLXXXVI.
 Vt autem priuatorum facto vniuersitas a-
 liquando illaqueatur: ita sunt casus, in
 quibus nec facto publico foedus offendi-
 tur. Et hi sunt, quum neque in toto, ne-
 que in singulo vllò vniuersitatis, cum qua
 est foedus, offensio est. Foedera non vio-
 lari, patre violato, filio, fratre, alio, qui ad
 alteram partem non pertineat tanquam
 imperij subditus, sed tantum tanquam
 pater, filius, frater, cognatus, docuit Bo-
 dinus lib. V. de rep. c. vlt. et si enim patris
 iniuria, malumque, sit iniuria & malum
 filij, & contra. L. II. D. de nat. rest. L. I. D.
 de lib. ca. et iniuria cognati, vel adfinis ad
 cognatos, & adfinēs omnes pertingat. L.
 V. D.

Iniuria cogna-
 torum.

V. D. de iniur. tamēn foedus ius publicum spectat, & illi ius publicum non spectant. Quo dendi forsitan iure potest subtilitas, & cautio, quam Italicam dicit, & notat sanē Guicciardinus lib. I. & II. ut Virginij Vrsini filij militarent regi Galliarum, Virginius cum hoste esset: et ducis Ferrariensis filius duci Mediolanensi accederet, pater ab hoste maneret. Rursus non violari foedera cæde piratarum, & Scotis respōderunt Angli, Bucc. lib. XIII. et verò est verissimum. nam piratæ omnium hostes, violatores, cōtemptoresque iuris gentium: ut in eo, et ipsius conventionibus nullum habere præsidium possint. istos et a nobis (dixissent Angli) et a vobis communiter, et ab omnibus affligi oportuit: et si vos habebatis, vos iuris violatores extitistis. quæ Philippus rectè Athēniensibus: et tu videris in oratione de Halonēso, siue illa Demosthenis, siue Hegesippi est. neque enim supradictæ rationes ab oratore refutantur; sed quod recepta a latronibus, quæ Atheniensium erant, ea Philippus non titu-

Piratarum cædes.

Si exules susci-
piuntur, aut
fugitivi,

lo restitutionis iusto, sed donationis gra-
tioso dare antiquis dominis cogitabar.
quod sanè iniquum erat: quoniam latro-
nes rem vt eripiant, rei tamen dominium
non eripiunt, *Rei furtiua aeterna auctoritas.*
Sed an foedus violatur, si exules alterius
partis suscipiuntur? nam et hi alia ratione
alieni suorum videntur, quòd ciuitatis
expertes facti sunt. L. II. D. de pub. iu. et
Perseus credidit non violari, qui id immò
quiritantibus Quintibus ait, Quid atti-
net, cuique exilium patere, si nusquam
exuli futurus locus est? Liu. lib. XLII. et
in foederatas ciuitates proficisci solitos ex-
ules Romanos notat Sigonius lib. II. de
ant. in. Ita. sed quæ tamen ius nullum ci-
uitatis Romanæ obtinuissent, at liberatq;
penitus essent. et hoc idem Bodinus ait,
vel si foederibus cautum sit, ne alterius ci-
ues alter susciperet: quia exules cines non
sint. Quod si non exules, sed fugitivi fo-
rent, horum quidem receptione tum de-
mum violari foedus censuerim, cum repe-
titi non redduntur. reddendos enim ve: è
idem scribit lib. III. de rep. c. VI. et iniu-
ria

ria fit ei, cui suum non redditur: fugi-
tiusque suus principi manet, a quo fugit.
Caueri aliquando hoc ipsum, ut non red-
dantur, foederibus disertè solet. Stra. lib.
XVI. quod indicium, reddi aliàs oportere.
sed priora firmiora. atque tempus est,
ut hanc quoque commentationem finia-
mus. nam persequi quid attinet singula-
ria plura? sed non est tamen omittendum
de poena violatorum pacis. poenæ enim Pœna violan-
tis pacem.
sunt, quæ omnia sancunt. Et hîc qui-
dem, ut alibi quæ, aut legis est poena, aut
conventionis. poena legis quæ sit, si mox
vincitur foedis fragus, ex supradictis appa-
ret. szuerissima pro victoris arbitrio est.
et ita in ciuilibus etiam causis manu, vel
capite punitur, qui pacem fregerit: eiusque
diruitur domus. ut not. ad tit. de pa. te. &
hostes itaque interficiuntur: & vrbes ita-
que diruuntur. et tanta est sanè in hoc fa-
cinore iniustitia, ut iura ex eo pereant na-
turalia: itaque filius patrem, qui pacem
violarit, alere non tenetur. quod Alcia-
tus ex eodem titulo in lib. I. de ver. sign.
et hæreticum tamen tenetur alere, & pater

filiū hæreticū. c. I. dist. XXX. et plures
docuerunt, & sequitur Menochius. q.
XC. de arb. quo nolunt esse crimen de-
testabilius. c. XVI. XXII. q. VII. nec verò
est. sed non hoc ius nobis religionis cum
hominibus. vt pluries monui. Si verò
conuentum de pœna est, hæc debetur.
& licet dici soleat, excusare a poena caus-
sam iustam: a conuentionali tamen non
excusare, c. editum est. Dec. cons. DCXV.
Atque is appositèque docet ex noua caus-
sa factam iniuriam ad pacis violatæ cri-
men contrahendum non esse. item cre-
dendum, interuenisse causam nouam, vt
poena vitetur. cons. DXXXI. Accuratè.
doctè tamen, de quæ alijs Molinæus ibi,
immo nec nouam causam excusare scri-
bit, si non pro certis iniurijs pax facta sit,
at simpliciter promissum, iniurias abfu-
turas.

1/4/29 na. 12.

